

四庫全書

史部

欽定四庫全書

方輿勝覽卷二

宋 祝穆 撰

平江府

吳縣 常熟

長洲 吳江

崑山 嘉定

建置沿革

禹貢揚州之域漢地理志吳地斗分野晉天文志星紀之次周為吳國封太伯於此

至闔閭強盛浙西盡為吳有後吳地又盡為越有楚滅越封黃歇於吳秦滅楚置會稽郡漢高帝封荊王賈吳王濞並有會稽之地東漢以浙西為吳郡浙東為會稽郡三國屬吳孫氏陳為吳州隋平陳改蘇州唐因之國朝太平興國改為平江軍政和  
陞平江府領縣六治吳縣長洲兩縣

浙西提刑提舉置司

事要郡名姑蘇

因山得名

吳郡

見沿革注

吳會

圖經吳東南一都會

吳門

吳中

風俗俗好用劍

郡國志

將要離之遺風

所

化者遠

圖經序太伯遜天下季札舜一國德之

屬城問功曹唐景風俗所尚景曰處家無不孝之子立朝無不忠之臣文為儒宗武為將帥時人以為善言

士夫淵藪

繫年錄諫議鄭穀言陛下南渡當擢吳中之秀以為用況平江常潤湖抗明越號為吳中之

好儒好佛

圖經蓋朱買臣陸機顧野王之徒顯名於當代而人尚文支遁道生慧嚮之儔

倡法于羣山而人

驕奢好侈

同上然賦云競其區宇則

尚佛有所自來也

上元燈毬

郡志及有萬眼羅

併疆兼卷矜其宴居則

珠服玉饌亦非虛語

他郡莫及有萬眼羅

及琉璃一者  
尤妙天下

七夕摩睺羅

同上土人工于泥塑所  
造摩睺羅尤為精巧

四郊

無曠土

同上吳中自昔號盛云云高下悉為田  
人無貴賤往往皆有常產故多奢少儉

有海陸

之饒

隋志田澤  
衍沃云云

無墊溺之患

舊經城中未嘗有  
墊溺蕩析之患

形勝具

區在西

漢地  
理志

北枕大江

漢武帝賜嚴助書會稽東  
接于海南近諸越云云

水國

之勝

范至能吳江主簿廳壁記松  
江太湖云云當天下第一

旁連湖海

徐嘉告詞  
眷惟中吳

密拱

行闕——  
外控江淮

枕江連海

沈度告詞吳  
門价藩云云

為東南冠

孫尚  
書普

明院記自唐白公為刺史時時即事賦詩已謂八門六  
十坊三百橋十萬戶——之——詩云茂苑太繁雄是

也建乾符光啓間大盜蠭起爭為強雄而武肅王錢鏐  
以破黃巢誅董昌之功盡有浙東之地五代分裂諸藩

據數州惟王獨嘗順事中國有宋受命盡籍土地府庫  
率其屬朝京師遂去其國蓋自長慶宣和更七代三百  
年吳人不見兵革覆露生養至四十三萬家而吳太伯  
廟棟猶有唐昭宗寧海軍鎮東節度使錢鏐姓名書其  
上可謂盛矣

土產彩牋

郡志吳中所造名聞四方以諸色粉和膠刷牋隱以羅紋然後研花唐皮

陸有唱和魚牋詩曰向日乍驚新繭色臨風時辨白萍  
紋注魚子曰白萍此豈用魚子耶今其法不傳而所造

品第尤新奇蠟牋  
畫牋尤精絕云

太湖石

郡志出洞庭西以生水中者為貴石在水中歲久為波濤

所衝擊皆成嵌空石面鱗鱗作厖名曰彈窩亦水痕也  
沒人縫下鑿取極不易得石性溫潤奇巧扣之鏗然如

鐘磬在山上者名旱石枯而不潤或賈作彈窩以售亦得善價白居易記見安吉州

蓴鱸

郡志生松江後

漢左慈嘗在曹操座曰今日高會珍羞畧備所少吳江  
鱸魚耳慈曰求銅盤貯水以竹竿餌釣于盤中須臾引

一鱸魚出操使膾之周決會者金谷園記謂鱸魚常以仲秋  
後從海入江菰葉南越人以箭筍和為羹甚珍魚白如  
玉菜黃如金隋人已呼為金羹玉膾云  
○蘇子美論風俗——稻蟹可以適口  
山川虎丘山城在  
西北九里又名海湧山遙望平田中一小丘○越絕書  
吳王闔廬葬——下發五都之士十萬人共治葬穿  
土為川積壤為丘池廣六十步水深一丈五尺銅棺三  
重湏池六尺黃金珠玉為鳬鴈扁諸之劍魚腸之干在  
焉葬三日金精上騰為白虎蹲踞于上○世說始皇嘗  
登此阜將發塚取寶鏐俄有白虎始皇拔劍刺虎虎隱  
入山因名虎丘後避唐諱改虎為武山有雲巖寺○范  
至能再到詩不過溪橋又兩年偶隨筇竹訪幽禪有緣  
再踏雲岩路無處重尋石井泉擬輟半山分座住先携  
一枕借床眠覺來飽喫紅蓮飯正是塘東稻熟天○葉  
正則詩虎丘之名歲二千虎丘之丘何眇然衆山爭高  
隱日月笑此拳石埋平田雖然培塿疑異物劃開陰崖

十丈懸冢中有恨索遺指亭上無語傳枯禪偏是吳人  
愛山急逐面分方夸凭立屋承隋唐良穗稱墨題熙豐  
尚新濕松梢莫遺風雨橫石監自添苔蘚  
靈巖山在城西  
澁春來春去吳人遊足蠶層顛踣應泣

十四里又名硯石山吳王之別苑在焉有館娃宮琴臺  
響屨廊西施洞山頂有池生葵蕪下瞰太湖望洞庭兩

山滴翠叢碧在白銀世界中亦宇內絕  
天平山在城西  
景山前十里有採香徑因置秀峰寺

巍然特高羣峰拱揖郡之鎮也○揚備詩人間多少嶮  
巖路縱是天平還不○蘇子美詩吳會括衆山戢戢

不可數其間號天平突兀為之主傑然鎮西南羣嶺爭  
拱輔吾知造物意必以屏大府清溪至其下仰觀勢飛

舞偉石如長人聚立欲言語捫蘿緣險磴爛熳松竹古  
中腰有危亭前對紺壁舉石竇落玉泉泠泠四時雨源

生白雲間顏色若粉乳早年或播灑潤可足九土奈何  
但泓澄未為應龍取予方棄塵中巖壑素自許盟桓擇

雄勝至此快心脅庶得  
耳目清終甘心於虎  
**姑蘇山**在吳縣西三十里或曰  
姑胥或曰姑餘○越絕

書闕閭就山起臺三年聚材五年乃成高見三百里○  
史記吳破越越進西施請退軍吳王許之王得西施多  
遊姑蘇子胥諫曰臣恐姑蘇不久為麋鹿之遊王不聽  
○太史公嘗登姑蘇臺以望五湖○李白詩舊苑荒臺  
楊柳新菱歌清唱不勝春只今惟有西江月曾照吳王  
宮裏人○劉禹錫詩故園荒臺在前臨震澤波綺羅隨  
世盡麋鹿占時多築用金槌力推因  
**包山**在吳縣西南  
石鼠窠昔年彫輦路唯有採樵歌  
百二十里又

名洞庭山中有洞庭深遠吳王使威靈丈人入洞六十  
七日不能盡因得禹書又有林屋洞十大洞之一也○  
蘇子美水月院記中有山七十二惟洞庭稱雄其間地  
占三鄉戶率三千環四十里民俗魯朴以摘柚為常產  
每秋高霜餘丹葩朱實與長松茂  
**陽山**在長洲西北三  
樹相差間于岩壑間望之若圖畫  
十里又名秦餘



杭山有龍母廟相傳東晉隆安中有繆氏女遇一白衣  
老人歸而有妊產一肉塊驚棄水中倏化為龍夭矯母  
前母遂驚絕葬此山下人為立祠紹興間薛雲霞靈起  
于是山俄頃有風暴雨龍自郡城過捲去女牆數百丈  
居民余氏小亭吸入雲中有華山在吳縣西六十里故  
負販者被吸去復墜而無傷  
葉蓮華人服之能羽化故名——巖石  
甚奇勝山半有大壑曰天池最佳處也石公山山前有  
皮日休詩翠石數百步如板漂不流空疑水妃意浮出  
青玉洲中若瑩龍劍外惟疊蛇矛狂波忽然死浩氣清  
且浮似將翠黛色抹破太湖秋安得三五夕携酒棹扁  
舟召取月夫人嘯歌于上頭又恐霄景闊虛皇拜仙侯  
欲建九錫碑立當十二樓瓊文忽然下龜山在洞庭西  
石板誰能留此事少知者唯應波上鷗  
以壓砌橫山在吳縣西南十里據三江震澤底定——既入  
綠池湖山之中以鎮西南

者北江中江南江也歷丹陽毗陵者為北江今之大江也首受蕪湖東至陽羨者為中江分於石城過宛陵至具區者為南江三江在松江在吳江縣一名笠澤。范震澤上下而皆入於海。松江在吳江縣一名笠澤。范還練靜秋宵誰與期月華三萬頃。陳希元詩平波渺渺煙蒼蒼菰蒲纔熟楊柳黃扁舟繫岸不忍去秋風斜日鱸魚鄉。王介甫詩宛宛虹霓墮半空銀河直與此相通五更縹緲千山月萬里淒涼一笛風鷗鷺稍回青靄外汀洲時起綠蕪中騷人自吳江王介甫詩莽莽昔欲留佳句忽憶君詩思已窮吳江登臨秋風一散襟地留孤嶼小天入五湖深柑橘無千里五湖舊經謂貢魚蝦有萬金吾雖輕范蠡終欲此幽尋五湖湖遊湖胥湖梅梁湖金鼎湖鄒善長謂長塘湖上湖漚湖與太湖而五葦昭云胥湖蠡湖洮湖漚湖就太湖而五虞仲翔云太湖之水道太湖在吳縣南五十里。皮日休詩三五道謂之——萬六千頃頃頃玻瓈色疎岑七十

二獲獲露寸戟。陸龜蒙詩嘗聞咸池氣下注作清質。

至今涵青霄尚且浴白日。蘇子美詩杳杳波濤閱古。

今四無邊際莫知深潤通曉月為清露氣入霜天作暝。

陰笠澤鱸肥人膾玉洞庭柑熟客分金風煙觸目相招。

引聊為停石湖。在盤門西南十里蓋太湖之派范蠡所。

繞一楚吟。後入五湖者本朝范至能所居孝宗御。

書賜之。二滬瀆。在吳縣陸龜蒙叙矢魚之。許浦。乃海道。

字賜之。具云列竹於海滢曰滬。風寒之。

衝大軍井泉石井。在虎丘張又新水品第三松江第四。

屯于此。橋水第六今一實勝劍池井旁有。

亭以為烹茶。白雲泉。在天平山為。一水。在寶華山寺。

宴坐之所。吳中第一水。之東極清冽。

相傳為得道僧名。堂舍州宅。後臨大池。白居易詩紅。

一者卓錫所出。紫共紛紛祇承老使君移。

舟木蘭棹行酒石榴裙水色窓窓見花。

香院院聞戀他官舍住雙鬢白如雲。黃堂。郡志今太守所居之。

宅即春申君之子為假君之殿也因數  
失火塗以雉黃故曰——以厭火災  
**木蘭堂**  
唐張搏

為刺史植木蘭花于堂前嘗盛開宴客命即席賦之陸  
龜蒙後至張聯酌浮之徑醉彊索筆題兩句云洞庭波  
浪渺無津日日征帆遠送人頽然醉倒客續之皆莫詳  
其意既而龜蒙稍醒續曰幾度木蘭船上望不知元是

此花身遂  
**白檜堂**  
在州治池中小山上有檜樓閣齊雲

樓  
在郡圃子城上宏敞壯麗○白居易齊雲晚望詩重  
複江山壯平舒井邑寬——北面終日凭欄干

西樓  
在郡治子城門上○白居易——夜宴  
詩風月萬家河兩岸笙歌一曲郡西樓  
**六經閣**  
建安

志載張伯玉守吳郡語司戶曾子固曰我方作——  
子為我記之子固呈藁終不合意遂自為之子固一見  
歎服其詞曰——諸子百家皆在焉不書尊經也吳  
郡州學始由高平范公經紀之至今尚書富郎中十年

更八政學始大成經南嚮史西嚮子集東嚮標之以油  
素揭之以油黃澤然區處如蛟龍之鱗麗如日月之在  
紀不可得而亂矣判天地之極致皇  
王之高道生人之紀律舉在是矣  
亭榭西亭即今西齋○白

居易詩幸有酒與樂及時且歡  
娛忽其解郡印他人來此居  
滄浪亭在郡學東○蘇子美記予以罪

廢無所歸扁舟南遊旅於吳中始僦舍以處時盛夏蒸  
燠土居皆褊狹不能出氣思得高爽虛曠之地以舒所  
懷不可得也一日過郡學東顧草樹鬱然崇阜廣水不  
類乎城中並水得微徑于雜花脩竹之間東趨數百步  
有棄地縱廣五六十尋三向皆水也杠之南其地益  
廣旁無民居左右皆林木相虧蔽訪諸舊老云錢氏有  
國近戚孫承祐之池館也坳隆勝勢遺意尚存予愛而  
裴回遂以錢四萬得之築高北碕號滄浪焉前竹後水  
水之陽又竹無窮極澄川翠幹光影會合於軒戶之間  
尤與風月為相宜予時榜小舟幅巾以往至則洒然忘

歸觴而浩歌踞而仰嘯野老不至魚鳥共樂形骸既適  
則神不煩觀無邪則道以明返思向之汨汨榮辱之場  
日與錙銖利害相磨戛隔此真趣不亦鄙哉噫人固動  
物耳情橫于內而性伏必外寓于物而後遷寓久則溺  
以為當然非勝是而易之則窒而不開唯仕宦溺人為  
至深古之才哲君子有一失而至于死者多矣是未知所  
以自勝之道予既廢而獲斯境安于冲曠不與衆駘因  
之復能乎內外失得之原沃然有得笑閱萬古尚未能  
忘其所寓自**三高亭**蘇子瞻戲書吳江三賢畫像○范  
用是為勝焉蘇子瞻戲書吳江三賢畫像○范蠡詩誰將射御教吳兒長笑申公  
為夏姬却遣姑蘇有麋鹿更憐夫子**松江亭**白居易携  
得西施○張翰陸龜蒙詩已見人物**松江亭**樂觀魚宴  
宿震澤平蕪岸松江落葉波在官常夢想為客始經過  
水面排罾網船頭簇綺羅朝盤鱸紅鯉夜燭舞青蛾鴈  
斷知風急湖平得月多繁蘇子美詩氣象清雄  
經與促管不解和漁歌

### 吳江亭

蘇子美詩氣象清雄  
天與隣世間不合有

埃塵擬將累勺酬佳  
景只恐江山解笑人  
垂虹亭  
米元章有詩云斷雲一葉

好作新詩繼桑苧  
垂虹秋色滿東南  
姑蘇臺  
在山上○楊廷秀詩有云我亦閒來散病身游人不用避

車塵插天四塔雲中出  
百里如何不見六千人  
吳亡越霸今安在  
臺下年年花

草館驛姑蘇館  
在盤門裏河西城上  
紹興中為  
平望驛

張祜題一派吳興水  
孤雲雨氣朝忙蟻  
雷聲夜聚蚊何堪  
秋草色到處重離

羣松江驛  
方干題  
逼浮桑門前白道  
通丹闕浪裏青山  
占幾鄉

帆勢落斜依浦渚  
古今悲不知天意  
偏把雲霞媚一方  
橋梁臯橋  
在閭門內漢臯

伯鸞居此○劉夢得  
泰娘詩有時粧好  
乘天氣走上  
乘  
折花戲風流太守  
韋尚書路旁忽見  
停隼旗

魚橋

在子城西前志琴高於此見大垂虹橋在吳江縣

東西千餘尺用木萬計前臨具區橫絕松陵湖光海氣  
蕩漾一色乃三吳之絕景橋之中有亭曰垂虹○蘇子  
美詩長橋跨空古未有大亭壓浪勢亦豪○王介甫詩  
三江五湖口地與天不隔日月所蔽虧東西渺然白漫  
漫漫壯斗浩浩浮南極誰投此虹蜺欲濟兩間阨中流  
雜蜃氣欄楯相承翼初疑神所為滅沒有頃刻晨興坐  
其上傲兀至中昃獨憐造化功不謂因人力今君持酒  
漿談笑顧賓客頗誇九州物壯麗此無敵熒煌丹砂柱  
璀璨黃金壁中家不慮始助我皆豪殖謂予獨不可還  
當采民力○鄭毅夫詩三百欄干鎖畫橋行人波上踏  
瓊瑤挿天蝦蟇玉腰闊跨海鯨鯢金背高路直鑿開元  
氣白影寒壓破大江豪此中自是銀河接不必仙槎八  
月小長橋在石塘累石為之○王逢原詩老匠鐵手風  
濤運斤一挾必入千山髡明堂有柱不見用此



為失地猶濟人西瀕巨澤江海通陽侯利溺驚濤風當道  
獨能支地險更東安得與天窮莫比垂天紳莫比跨地  
帶渴龍乾死枯無鱗絕海失舟鯨踏背秦帝東遊逐仙  
迹累重肉多飛不得三洲之水盡朝宗安得身乘破浪  
風為約他年可歸處獨倚欄干不思去  
新橋在松江○  
季鷹范蠡不足奇待我為名千古歸蘇子美中

秋對月和抑令之什月晃長江上下同畫橋橫截冷光  
中雲頭灩灩開金餅水面沉沉卧彩虹佛氏解為銀色  
界仙家多住玉華宮地雄景  
三百九十橋白居易三月  
勝言不盡但欲追隨垂曉風  
黃鸝巷口驚欲語烏鵲河頭冰欲消綠浪東西南  
北水紅欄  
此乃城內官橋大數也  
佛寺

虎丘寺

在城西北九里晉司徒王珣及弟珣捨宅為寺  
○白居易詩香刹看非遠祇園入始深龍蟠松

矯矯王立竹森森恠石千僧坐靈池一劍沉海當亭兩  
面山在寺中心酒熟憑花勸詩成倩鳥吟寄言軒冕客

此地好抽簪。○又夜遊詩不厭西丘寺。閑來即一過舟  
舡。轉雲島樓閣出煙蘿。摇曳雙紅旆。娉婷十翠娥。香花  
助羅綺。鐘梵雜笙歌。領郡時將久。遊山數幾何。一年十  
二度。非少亦非多。○蘇子瞻——詩入門無平田石  
路。細穿嶺陰風生澗壑。古木翳潭井。湛盧誰復見。秋水  
光耿耿。鐵花秀巖壁。殺氣噤蛙龜。幽幽生公堂。左右立  
頑獷。當年或未信。異類服精猛。胡為百歲後。仙鬼互馳  
騁。窈然留清詩。讀者為悲哽。東軒有佳致。雲水麗千頃。  
熙熙覽生物。春意頗淒冷。我來屬無事。暖日相與永。喜  
鵲翻初旦。愁薦躡落景。坐見漁樵還。新月溪上影。悟彼  
良自嗤。歸田行可請。○李德裕追和太師顏公同清遠  
道士遊寺韻。茂苑有靈峯。嗟予未遊觀。藏山半平陸。壤  
谷多高岸。岡繞數仞墻。巖潛千丈幹。乃知造化意。回斡  
資奇玩。鏐騰皆虎踞。劍沒嘗龍煥。潭黛入海底。峯岑聳  
霄半。層巒未升日。衰狖寧知旦。絳篠夏凝陰。碧林秋不  
換。冥搜既窈窕。回望何蕭散。川晴嵐氣收。江春雜英亂。

逸人綴沂藻前指留篇翰共扣哀玉音皆舒文綉段難  
退彥回賞徒起興公嘆一夕如再升含毫星斗爛○王  
元之詩蘇牆圍却碧潺湲曾是當年海湧山盡把好峯  
藏寺內不教幽景落人間劍池草色終冬在石座苔花  
自古斑珍重晉朝吾祖  
生公講堂在虎丘寺生公異僧  
宅一回來此便忘還竺道生也講經于此

無人信者乃聚石為徒與講至理石皆點頭○劉禹錫  
詩生公說法鬼神驚身後空堂夜不扃高坐寂寥煙漠

漠一方明劍池在虎丘寺始皇試劍于此乃石罅深數  
月可中庭劍池十丈濶丈餘水無底寺中日汲此水其

聲潺湲  
極可聽千人坐  
在虎丘山側有平石可坐千人○顏  
真卿詩劍池穿萬仞盤石坐千人靈

巖寺在吳縣西南三十里舊名秀峯○孫觀殿記梁天  
監中以吳館娃宮故地為一一○白居易詩娃

宮屐廊尋已傾硯池香徑又欲平二三月時但草綠幾  
百年来空月明使君雖老頗多思携觴領客處處行

承天寺

舊名重光寺在長洲縣西北二里庭列怪石有銅佛像○韋應物詩時暇陟雲構晨霄澄景光

始見吳都大十里鬱蒼蒼山川表明麗湖海吞大荒合  
皆臻水陸駢闐會四方俗繁節又喧雨順物亦康禽魚  
各翔詠草木遍芬芳于茲記毗俗一楓橋寺在吳縣西  
用勸農桑誠知虎符遠但恨歸路長

人張繼詩月落烏啼霜滿天江楓漁火對  
愁眠姑蘇城外寒山寺夜半鐘聲到客船

崑山寺在縣西北

三里○孟郊詩昨日到上方片霞封石床錫杖莓苔青  
袈裟松栢香晴磬無短韻畫燈含永光有時乞鶴歸還  
訪道遙場○王介甫次韻僧蹊蟠青蒼莓苔上秋床露  
翰飢更清風藹遠亦香掃石出古色洗松納空光久遊  
不忍還迫近冠蓋塲○張殷詩寶殿依山險凌虛勢欲  
吞畫簷齊木末香砌壓雲根遠景窓中岫孤煙竹裏村  
凭高聊一望歸思隔吳門○峯嶺千出沒江湖相吐吞  
園林浮海角臺殿遠山根百里見漁艇萬家藏水村地

偏來客少幽興祇桑門

# 水月禪院

在洞庭山蘇子美記予乙酉歲夏四月來居吳門始維舟即登

靈巖之巔以望太湖俯視洞庭山嶄然特起雲霞綠翠浮動于滄波之中予時據欄竦首精爽下墮欲垂清風跨落景以翱翔乎其間莫可得也自爾平居紆然思欲一到惑于險說而未果行則常若有物膈塞于胸中是歲十月遂招徐陳二君子輕舟出橫金口觀其洪川蕩涵萬頃一色不知天地之大所能并容水陸潮洄七十里而達初宿社下踰日乃至入林屋洞陟毛公壇宿包山精舍又泛明月灣南望一山上摩蒼煙舟人指云此所謂縹緲峯下也即岸步自松間出數里至峯下有佛廟號水月者閣殿甚古像設嚴煥旁有澄泉潔清甘涼極旱不枯不類他水梁大同四年始建佛寺至隋大業六年遂廢不存唐光化中有浮屠志勤者歷遊四方至此愛而不能去復于舊址結廬誦經後因而屋之至數十百楹天祐四年刺史曹珪以明月名其院勤老且死

其徒嗣之迄今七世不絕國家大中祥符初有詔又易  
今名予觀震澤受三江吞壺四郡之封其中山之名見  
圖誌者七十有二唯洞庭稱雄其間地占三郡戶率三  
千環四十里民俗真朴歷歲未嘗有訴訟至于縣吏之  
庭下皆樹桑梔甘柚為常產每秋高霜餘丹芑朱實與  
長松茂樹相差間于巖壑間望之若圖繪金翠之可愛  
縹緲峯又居山之西北深遠處高聳出于衆山為洞庭  
勝絕之境居山之民已少事尚有歲時織紉樹藝捕採  
之勞浮屠氏本以清曠遠事物已出中國禮法之外復  
居湖山深遠勝絕之地壤斷水接人迹罕至數僧宴坐寂  
默于泉石之間引而與語殊無纖芥世俗間氣韻其視  
舒舒而行于于豈世上之遺民者耶予生平病悶鬱塞  
至此曝然破散無復餘矣反復身世惘然莫知但如蛻  
解俗骨傳之羽翰飛出乎八荒之外吁其快哉後二年  
其徒惠源造予乞文識其居之廢興欣其見請攬筆祠  
直述且叙昔游之勝焉耳慶曆七年十一月五日記

墓言偃吳公祠

朱元晦記云平江府常熟縣學吳公祠者孔門高第弟子言偃子游之祠也按

太史公記孔門諸子多東州之士獨子游為吳人而此縣有巷名子游有橋名文學相傳至今圖經又言公之故宅在縣西北而舊井存焉則今雖不復可見而公為此縣之人蓋不誣矣然自孔子之沒以至于今千有六百餘年郡縣之學通祀先聖公雖以列得從厥食而其鄉邑乃未有能表其事而出之者慶元三年七月知縣事會稽孫應時乃始即其學官講堂之東偏作為此堂以奉祠事是歲仲冬長至之日躬率邑之學士大夫及其子弟奠爵釋菜以安其靈而以書來曰願有記也某惟三代之前帝王之學率在中土以故德行道藝之教其行于近者著而人之觀感服習以入焉者深若夫勾吳之墟則在虞夏五服是為要荒之外爰自太伯採藥荊蠻始得其民而端委以臨之然亦僅沒其身而虞仲之後相傳累世乃能有以自通于上國其俗蓋亦樸陋

而不文矣公生其間乃獨能悅周公仲尼之道而壯學于中國身通受業遂因文學以得聖人之一體豈不可謂豪傑之士哉今以論語考其話言類皆簡易疎通高暢宏達其曰本之則無者雖若見詘于子夏然要為知有本也則其所謂文學固宜有以異乎今世之文學矣既又考其行事則武城之政不小其邑而必以詩書禮樂為先務其視有勇足民之効盖有不足為者至使聖師為之莞爾而笑則是與之之意豈淺淺哉及其取人則又以二事之細而得減明之賢亦其意氣之感默有以相契者以故近世論者意其為人必當敏于聞道而不滯于形器豈所謂南方之學得其精華者乃自古而然也耶矧今全吳通為畿輔文物之盛絕異曩時孫君于此又能舉千載之闕遺稽古崇德以勵其學者則武城絃歌之意于是乎在故某喜聞其事而樂為書至于孔門設科之法與公之言所謂本所謂道及其所以取人者則願諸生相與勉焉以進其實使此邑之人百世



之下復有如公者出而又以洒夫媿懦憚事無廉耻而者飲食之譏焉是則孫公之志而亦某之願也公之

追爵自唐開元始封吳侯我朝政和禮書已號丹陽公

紹興御贊猶有唐封至淳熙間所貤位次又改稱吳公

### 云尹和靖祠

在虎丘寺○黃直卿祠記和靖尹先生寓居平江府虎丘西菴榜曰三畏齋所題雜

錄論語解皆可考所寓即上方也去之七十有五年郡守直祕閣陳君芾通守太學博士丁君煢始度菴空地為屋繪先生像祠焉尊前賢厲後學也先生諱焞洛陽人年二十師伊川程子舉闈策士議誅元祐黨人不答遂棄舉子業靖康初以布衣召不至詔褒為和靖處士洛陽陷家殲焉先生死復甦寢長安山谷中逆豫以禮聘溺水逃去展轉蜀道累年紹興五年以崇政殿說書召凡二十辭八年冬始入見除祕書郎明年遷少監太常少卿權禮部侍郎每遷輒力辭其冬除猷閣待制提舉萬壽觀辭不已遂奉外祠即虎丘以居年已七十

矣貧無以為歸也後二年竟没于會稽之寓舍先生所  
過于世如此蓋嘗考先生之所學篤于踐行不為虛語  
未嘗求人之知人亦莫能窺其所蘊也今其可見者經  
惟進講門人記錄耳惟即其所遇于世者觀其所處然  
後知先生之於道卓乎不可及矣利害者人心之私義  
理者道心之公公私之間迷為勝負一取一舍而賢不  
肖可知也至于歷險難之極而不變處貴顯之驟而不  
動抱仁戴義終其身而不悔非盛德能若是乎理義充  
于中則禍福成敗榮辱得失膠轕萬變日陳乎前而此  
心自若也程子之門從遊之士皆閎博俊偉極天下之  
選而于先生亟稱之其察之審矣顏淵退然如愚而夫  
子稱之亦曰簞瓢陋巷不改其樂又曰庶乎屢空然則  
先生者程門之顏氏歟里巷小人顛冥于利害之塗不  
足道學士大夫則知理義矣臨利害未毛髮許棄其所  
守者可嘆也聞先生之風得無少愧有志于道者亦可  
以自勉歟二君為是祠有裨于名教大矣故述其躬行

之大節以示學者庶幾驗  
之身而得先生之道云

三高祠

范至能記乾道三年  
二月吳江縣新作

——成三高者越上將軍姓范氏是為鴟夷子皮晉大  
司馬東曹掾姓張氏是為江東步兵唐右補闕姓陸氏  
是為甫里先生三君生不並世而鴟夷子皮又嘗一用  
人之國功大名顯而去之季鷹魯望蕭然臞儒使有為  
于當年其所成就固不可喻度要皆以得道見徵脫屣  
天刑清風峻節相望於松江太湖之上故天下同高之  
而邑人獨私得奉嘗以夸于四方曰此吾東家丘云爾  
見大夫趙伯盧以故祠偏陋將改作鄉老王份獻其地  
雪灘乃築堂于上告遷而奠焉且屬郡人范成大為之  
識傳曰不有君子其能國乎今乃自放寂寞之濱人又  
從而以為高此豈盛際之所願哉後之人高三君之風  
而跡其所以為世道計者可以懼矣至于豪傑之士或  
肆志乎軒冕宴安留連卒悔于後者不將有感于斯堂  
而某何足以述之然屈平既從彭咸而桂叢之賦猶招

隱士疑若幽處林薄不死而仙況如三君蟬蛻溷濁得  
全于天者嘗試倚楹而望水光浮空雲日下上風颿煙  
蓬飄忽晦明意必往來其間其亦何足以見之姑效小  
山作歌三章以招焉遂從而歌之曰若有人兮扁舟撫  
五湖兮遠遊衆芳媚兮高丘忽獨君兮不可留長風積  
兮浪波白蕩搖空明兮南極一色鏡萬里兮鞭魚龍列  
星剡剡兮其下孤蓬眇顧懷兮斯路與涼月兮入滄浦  
戰爭蝸角兮昨夢一笑水雲得意兮垂虹可以擡擢僊  
之人兮壽無期樂哉垂虹兮去復來載歌曰若有人兮  
橫大江秋風起兮歸故鄉鴻冥飛兮白鷗舞吳波鱗鱗  
兮而在下嗟人胡為兮天地四方美無度兮吾之土膾  
脍鱸兮雪霏登茲蓴兮芼之水仙續兮胥命君可望兮  
不可追瀕倒景兮揮碧寥娛燕息兮江之臯萊蘋堂兮  
廡杜若一杯之酒兮我為君酌又歌曰若有人兮北江  
之渚披雲而晞兮類煙雨菊莎兮杞棘歲晚晚兮何以  
續君食餽五鼎兮腥腐羞三泉兮終千古秋風露兮歸

來故墟月明無人兮蒼不與語牛宮涵兮生蒲荷潮西  
東兮下田一波訪南涇兮隣曲山川良是兮丘隴多稼  
九畹兮今其刈聊春容兮茲里是歲六月既望  
書遺邑人使習之以侑祠趙伯盧請遂刻記 吳延陵

季子廟

蕭定改修廟記有吳之興也太伯讓以得之有  
吳之衰也季子讓以失之為讓之清同而興衰

之體異何哉太伯之讓讓以賢也故周有天下而吳建  
國焉季子之讓賢以讓也當周德之衰而吳喪邦焉或  
曰非所讓而讓之使宗祀泯絕而不血食豈曰能賢斯  
可謂知存而不知亡者矣夫治亂時也興亡運也故至  
而不可却終終而不可留黃河既濁阿膠無以正其色  
鹽池斯鹹樊簞不能匡其味與夫當濁亂之世召力勝  
之戎讓與爭孰勝乎易曰知幾其神則季子之見可謂  
知幾矣季子之明可謂知進退存亡而不失其正矣至  
于聽樂辨列國之興亡交賢知世數之存歿挂劍存不  
言之信避國保無欲之貞故有吳之祀寂寥而延陵之

饗如在玄風可想至德興歎美之辭招人其萎表墓著  
嗚呼之篆向微德仁兩至則夫子不復歎焉詳其精義  
被物鈞深致遠之旨烏可究其津涯而窺其牆仞哉是  
知讓之為德在于生靈不獨其子孫明矣國有祀典人  
懷永思定忝列藩條欽崇懿範于以加敬嚴乎闕宮別  
閨壺之內外正衆神之序位舊以太伯在于蘇臺而制  
季子之祠像設列于軒廂春秋禮薦俎豆當陳于正寢  
俾觀像者識賢人之遺風同律審度者知經德之禮秩  
無差末學陋辭不足頌其休烈寒來暑往敢用同於紀  
年時唐大厯十四年己未八月戊戌朔二十七日甲子

記  
仲雍墓

在常熟虞山之東

古跡吳王城

按越絕書曰吳大城即闔閭之所築周四

十七里陸門八以象天八風水門八以象八卦城中有  
水城周十三里吳都賦重城結隅通門二八謂此也○  
劉夢得詩二八城門開  
吳城五門春秋諸國之門止一  
道路五千兵馬引旌旗  
字今楚與越皆亡矣

惟吳中諸門獨仍古不變焉。閭門孫權記注云吳西郭門夫差作以天門通閭闔故名之後春申君改為昌門陸機詩昌門何我飛閣跨通波。胥門晏公類要吳相伍員氏子胥家于此後以諫死令抉其目垂于此門觀越兵之入因以為名。匠門本名干將門有干將墓後訛為匠。盟門郡國志古作蟠吳嘗刻木為蟠桃之象以厭勝越又吳地記水陸縈回屈曲故謂之盟。齊門吳越春秋齊女質吳吳為太子聘之女少思齊而病闔閭乃起望齊門令女遊其上孟長洲苑在本縣西子云齊景公涕出而女於吳即此。南七十里。

○吳都賦佩——之茂——。白居易詩春入長洲草又生鷓鴣飛起少人行年深不辨娃宮處夜夜蘇臺空月明館娃宮在硯石山上蓋以西施得名。○劉禹錫詩云宮館貯嬌娃當時意太誇艷傾吳國盡笑入楚王家月殿餘椒壁天花代舜響屐廊在靈巖寺以西華惟餘採香徑一帶繞山斜。子行則有聲皮

日休詩——

真娘墓

在虎丘吳之樂妓文士多題詠

陸羽泉

在吳縣西北九里鴻

漸以此泉為天下第三水○王元之詩甃石封苔百尺深試茶嘗味少知音唯餘半夜泉中月留得先生一片

心南園

在城西吳越錢氏元璟創○石林過庭錄王黃州初登科知吳縣已有盛名蘇州——為一郡

勝處有詩云他年我若成功去乞取——作醉鄉後為守者因以醉鄉名其堂政和初蔡魯公罷政事欲歸吳

下詔以——賜之公戲賦詩曰八年帷幄負清時更賜——寵退師堪笑當年王內翰功名未有便題詩鬪

鴨欄

陸龜蒙有————頗極馴養一旦驛使過焉扶彈斃其尤者龜蒙曰此鴨善人言欲附蘇州上進

使者奈何斃之使人懼盡與橐中金以室鶴市——在閬闔其口徐使人問其狀龜蒙曰能自呼名耳

越春秋吳王有小女王與夫人會食蒸魚王嘗半女怨曰王食魚辱我不忍久生乃自殺闔閭痛之甚葬于郭



西舞白鶴于吳市中令萬人隨觀逐  
**柳毅泉**  
在太湖側按異聞集

唐儀鳳中有儒生

**名宦太伯**

王季歷之兄太王欲立季歷於是太伯與弟仲雍乃

奔荆蠻斷髮文

**鄧攸**

為守載米之郡俸祿無所受惟食吳水而已歲飢攸輒開倉救之後

身示不可用

去郡百姓數千人留牽攸船歌曰統如打五  
**韋應物**  
為蘇

鼓雞鳴天欲曙  
鄧侯挽不來謝令推不去

**白居易**

作虎丘路

**劉禹錫**

為刺史

**張旭**

為常熟尉

一日有父老來為判其狀不數日屢至張甚怒以為好  
訟欲罪之父老叩頭曰非敢訟也誠見少公筆勢殊妙

欲家藏之耳

**皮日休**

為郡從事

**王仲舒**

變瓦屋隄松江為路

**皇朝王元之**

為長

洲宰由此

**張方平**

知崇山縣

**范仲淹**

吳縣人景祐間為守開五河公有義宅在普濟

橋之側使其族屬世世居焉又有義田以贍羣族○錢君倚義田記曰范文正公蘇人也平生好施與擇其親而貧疎而賢者咸施之方貴顯時置負郭常稔之田千畝號曰義田以養濟羣族之人日有食歲有衣嫁娶凶葬皆有一升歲衣人一縑嫁女者五十千再嫁者三十千娶婦者三十千再娶者十五千葬者如再嫁之數葬幼者十千族之聚者九十口歲入給稻八百斛以其所入給其所聚沛然有餘而無窮仕而家居俟代者與焉仕而居官者罷其給此其大較也初公之未貴顯也嘗有志於是矣而力未逮者二十年既而為西帥及參大政於是始有祿賜之入而終其志公既歿後世子孫修其業承其志如公之存也公雖位充祿厚而貧終其身歿之日身無以為斂子無以為喪惟以施貧活族之義遺其子而已昔晏平仲弊車羸馬桓子曰是隱君之賜也晏子曰自臣之貴父之族無不乘車者母之族無不足

於衣食者妻之族無凍餒者齊國之士待臣而舉火者  
三百餘人如此而為隱君之賜乎彰君之賜乎於是齊  
侯以晏子之觴而觴桓子予嘗愛晏子好仁齊侯知賢  
而桓子服義也又愛晏子之仁有等級而言有次也先  
父族次母族次妻族而後及其疏遠之賢孟子曰親  
而仁民仁民而愛物晏子為近之令觀文正公之義田  
賢於平仲其規模遠大又疑過之嗚呼世之都三公位  
享萬鍾祿其邸第之雄車輿之飾聲色之多妻孥之富  
止於一已而已而族之人不得其入者豈少哉況於施  
賢乎其下為卿為大夫為士廩稍之充奉養之厚止乎  
一已而已而族之人操壺瓢為溝中瘠者又豈少哉況  
於他人乎是皆公之罪人也公之忠義滿朝廷事業滿  
邊隅功名滿天下當必有史官書之者孫冕為守甫及  
子可畧也獨高其義因書以遺於世云孫冕引年而去  
詳見胡翼之景祐中范希文以內閣典藩請於朝立學  
臨江胡翼之自安定先生一一首居於此而博洽有

道之士如王逢張芻張伯玉之儔繼處其任學張伯玉者甚衆故滕正議元發錢翰林醇老稍稍出焉

爲人物言偃廟見前祠季札兄弟四人必欲立一賢父欲立一

去後事闔澹臺滅明有墓在吳縣朱買臣守前漢總謂

之會嚴助承明之廬勞侍從之事懷故土出爲郡吏間

者濶焉久不聞問具以春秋張翰吳人齊王問辟翰爲

風起乃思吳中蓴菜羹鱸魚膾曰人生貴得適志何能

羈官數千里以要名爵乎遂命駕而歸○蘇子瞻詩浮

世功名食與眠季鷹真得水中仙不陸機吳郡人祖遜

大司馬機少有文章弟陸龜蒙居松江甫里自號江湖

詩千首文章二頃田囊中未有一錢晉陸德明蘇州顧

却因養得能言鴨驚破王孫金彈丸

野王

吳人陳朝著玉篇

梁鴻吳縣西四里有墓

皇朝元絳字厚之參大

蘇舜欽

字子美舉進士為大理丞為人個儻長於古文歌詩行草士大夫收之以為墨寶范仲淹薦其

才得集賢校理監進奏院用故紙祠神會賓為御史所糾除名舜欽既廢居蘇州買水石作滄浪亭以自適後

二年得湖范成大號石湖黃由元題詠土風清且嘉機

州長史卒

范成大

號石湖黃由元

題詠土風清且嘉機

吳趨行楚妃且勿歎齊娥且莫謳四座並清聽聽我歌

波重樂承璇極回軒起曲阿藹藹慶雲被泠泠鮮風過

子灼灼光諸華王迹頽陽九帝功興四遐大皇自富春

矯首頓世羅邦彥應興運槩若春林葩屬城咸有士吳

邑最為多八族未足珍四姓實名家文德熙淳懿武功  
俾山河禮讓何濟楚流化自滂沱淑美難窮紀首按為

此兵衛森畫戟章應物郡中與諸文士讌集詩云燕  
寢凝清香海上風雨至逍遙池閣涼煩

病正消散嘉賓復滿堂自慙居處崇未覩斯民康理會  
是非遣性達形迹忘鮮肥屬時禁蔬果幸見嘗俯飲一

盃酒仰瞻金玉章神歡體自輕意欲凌風翔吳中  
盛文史羣彥今洋洋方知大藩地豈曰財賦疆人家

盡枕河杜荀鶴送人遊吳君到姑蘇見云云古宮閑地  
少水港小橋多夜市賣菱藕春船載綺羅遥知

未眠月鄉東下姑蘇臺杜甫壯遊詩云云已具浮海航  
思在漁歌到今有餘恨不得窮扶桑王謝

風流遠闔閭丘墓荒劍池石壁側長洲芰荷香堪  
峨閭門北清廟映迴塘每懷吳太伯撫事淚浪浪盈筐

盛菱芡陸龜蒙吳中苦雨詩笠澤卧孤雲  
桐江釣明月云云滿釜煮鱸鰠乘船向山寺

張籍送從弟戴玄之蘇州楊柳閨門外悠悠水岸斜云  
云著屐到人家夜月紅柑樹秋風白藕花江天詩境好

迴日莫書後欲題三百顆欲摘猶酸亦未黃云云洞庭

猶待滿蘇州刺史例能詩劉禹錫詩云云西家家門外

泊舟航白居易詩閨門四望鬱蒼蒼始覺州雄上俗強

鋪秋草烏鵲橋紅帶夕陽處處樓頭飄管吹云云雲埋

虎寺山藏色月耀娃宮水放光曾賞錢塘并茂苑今來

未敢苦七堰八門六十坊白居易詩半酣憑檻起四顧

誇張望京兆平反一笑春蘇子瞻和蘇州太守王規父

相望京兆平反一笑春蘇子瞻和蘇州太守王規父

滯京口不及赴此命其詩云不覺朱轡碾後塵爭看翠

幃錦纏輪洛濱侍從三人貴云云但逐東山携妓女那

知後閣走窮賓滯留不見外邑草履隨船賣杜荀鶴送榮華事空作賡歌第七人

詩云云綾蕭條江縣去鳴絃王介甫送吳江宰詩邂逅

里英靈在到日四面漁家遶縣城李貫吳憑君為艤船

四六維時淞部在昔吳都二浙雄藩疏渥漢廷

矧閩間之故城由喉舌司矧是蘇臺俗號富饒

為浙江之上郡牧股肱郡密依行闕民多輕剽

惟吳會之奧區冠黃圖三輔之雄矧長洲茂苑之雄

寔日畿之巨屏森畫戟千兵之衛視馮翊扶風之盛

襟帶江湖壯虎丘之形勢沃壤平疇稻蠡獨吳中之最

輔陪畿甸環象魏之觚稜澄湖別淑蓴鱸亦天下之稀

燕寢凝香樂郡齋之暇日蘭棹榴裙頗稱使君之行樂

鱸魚膾玉尋澤國之勝遊金柑玉膾每形文士之清吟



樓櫓萬艘據要衝於海道  
袴襦千里為屏蔽於京畿

割雲翻雪腴田利及於他州  
饌玉服珠鉅室習成於侈俗

軍餉轉輸舟運自此邦而去  
戶租充羨倉儲亦他郡所無

若論禮遜有太伯季子之遺風  
細考詩篇皆夢得樂天之陳迹



方輿勝覽卷二

欽定四庫全書

史部  
方輿勝覽卷三  
五至

詳校官編修臣曹城

檢討臣德生覆勘

總校官知縣臣繆琪

校對官典簿臣郭祚熾

謄錄監生臣劉能

欽定四庫全書

方輿勝覽卷三

宋 祝穆 撰

鎮江府

丹徒 金壇

丹陽

建置沿革

禹貢揚州之域吳地斗分野春秋時屬吳其地為宋方後屬越及楚秦改為丹徒屬

會稽郡西漢屬江都國東漢屬吳郡孫權自吳徙丹

徒謂之京城亦曰京口晉元帝渡江於京口僑置南

徐州宋以南徐治京口隋文帝於南徐置潤州取潤

浦以名唐因之後改升陽郡德宗為鎮海軍皇朝陞

鎮江軍節度後以縣宗皇帝

潛邸陞府領縣三治丹徒

淮東總領置司

事要郡名京口

圖經其城因山為壘緣江為境爾雅邱絕高曰京故名

南徐

見沿革注

風俗人性驕奢

見寰宇記

習戰尚禮

隋志京口人而君子

六代之

風流

徐鉉甘露寺記云云人物綜萃於斯三吳之山川林泉肇發於此

形勝東通吳會

郡國志云云西連都邑南接江湖

西接漢沔

曾改潤州集序控江流之會云云北拒淮泗

浙

西門戶

繫年錄知鎮江府劉寧上言云

控扼大江

同上

內蔽日畿

鎮江志序云云

外連天塹

望海臨江

見南齊志

險過金湯

周世宗問孫忌對曰長江千里云云

桑梓

帝宅

南齊志宋氏以來云云

北府兵可用

元溫嘗謂京口酒可飲云云○劉貢父詩縹壺

盈前京口酒紅旆相隨北府兵

山川北固山

在州北一里迴嶺下臨長江其勢險固即府治所據

及甘露寺基建康實錄梁武帝**五州山**在城西。蔡天幸京口登北固樓遂改名北顧

望培塿**蒜山**在城西三里山上多蒜故**花山**在城東即見五州**蒜山**名蘇子瞻云——可居

子美詩寺裏山因花得名皇**土山**在城西劉禹錫有詩見後**茅山**在甫冉詩東山復盛遊即此

壇縣六十五里即三十六洞天華陽第八洞天也漢有三茅來治故名真誥云金壇華陽之天茅盈之祖濛得

道號**黃鶴山**在城西南三里宋武帝潛龍時息此山有金壇**黃鶴山**黃鶴飛舞因名。一名戴公山南史戴顒

世居剡中又徙京口止黃鶴山宋文**京峴山**在府治東帝每欲見之曰吾東巡當宴戴公山

京鎮祥符圖經不載京口得名**丹陽山**古雲陽縣也秦以此鮑昭有從京峴拜陵詩

天子氣始皇鑿北坑以敗其勢截直道使阿曲故謂之曲阿天寶初號丹陽非晉漢之丹楊漢丹楊郡治宛陵晉

方輿勝覽  
三

丹楊郡治秣陵山多赤柳故名

**金山**

在江中去城七里唐李錡鎮潤州表名——因裴頭陀開山得金故

名山前有三島號石牌稱郭璞墓按唐書韓滉傳建中之難陳少游在揚州以甲士三千臨江大閱滉亦總兵臨金山與少游會則是建中之時已有——之名非始於李錡也。長編建炎四年夏烏珠回至鎮江韓世忠提兵駐揚子江金山以邀之敵衆數萬世忠戰士纔八千烏珠約日會戰世忠募海船百餘艘泊金山下預命工鍛鐵為長纆貫一大鈎比合戰世忠分海舟為兩道每纆一纆則曳一舟而入敵不得渡以輕船絕江而遁俘獲殺傷甚衆。政和間嘗以金山龍遊寺改建神霄宮汪彥章記云父老相傳先唐時嘗以為龍游觀已而為浮屠氏所有者幾二百年故金華楊氏洞天記曰中國洞天不載於名籍者尚多有之——其一也蓋其前臨滄海周回大江獨立無倚與天為際風濤朝夕赴其吞吐日月晦冥環其左右攬數州之秀於俛仰之間而

下盤魚龍之宮神靈之府蓋宇宙區奧古今勝處也。周洪道雜記云山在京口江心上有龍游寺登妙高峯望焦山海門皆歷歷此山大江環遶每風四起勢欲飛動故南朝謂之浮玉山別有山島相傳為郭璞墓大水不能沒下元水府亦在此諺云金山山裏寺焦山寺裏山。楊廷秀曉登金山詩金山東金山西金山排霄南斗齊天將三江五湖水并作一江字楊子來從九天上瀉入九地底遇嶽嶽立摧逢石石立碎乾坤氣力聚此江一波打來誰敢當金山一何強上流獨立江中央一塵不隨海風舞一礫不隨海潮去四旁無蒂下無根浮空躍出江心住金宮銀闕起峯頭搥鼓撞鐘聞九州詩人踏雪來清遊天風吹儂上瓊樓不為浮玉飲玉舟大江端的替人羞金山端的替人愁。唐韓垂詩云廬山一峯秀岌然殊衆山盤根大江底撐影浮雲間雷霆常間作風雨時往還象外焦山在江中金焦二山相去十懸清景千載長躋攀

隱於此 **雙峯** 在海門。韓持國登潤州城 **大江** 在城北  
山因名 **雙峯** 詩一帶分江紀——照海門 **大江** 六里亦

名京口。三國志魏文帝將東征出廣陵臨大江戎卒  
數十萬旌旗數百里不敢渡嘆曰波濤洶湧天所以限  
南北也魏雖有武騎千羣何所用之遂於馬上賦詩云  
觀兵臨江水水流何湯湯戈矛成山林玄甲曜日光猛  
將懷暴怒膽氣正縱橫誰云江水廣一葦可以航。林  
大聲詩南徐江水天下雄沿江一水如盤龍。楊傑詩  
海上波平千里白江東兵壯萬夫雄 **練湖** 去城四十里  
雲開雲合山頭月潮落潮生渡口風 **練湖** 李華頌并  
序辭曰土反其宅水歸其壑先王因流下而導之故曰  
九川滌源因逆匯而潴之故曰九澤既陂以䟽天地之  
氣以利元元之用崇伯汨五行而殛羽山臺駘章大澤  
而封汾川洪範首之春秋載之地有廣狹事無今古大  
江具區惟潤州其藪曰——幅員四十里菰蒲菱芡之  
多龜魚螺蟹之產饜飮江淮膏潤數州其傍大族強家



泄流為田專利上腴詔收倍鍾富劇淫行自丹陽延陵  
金壇環地三百里數合五萬室旱則懸耜水則具舟人  
罹其害九十餘祀凡經上司紛紜與奪八十一斷嗚呼  
曲能掩直強者以得之老幼怨痛沈聲無告永泰元年  
王師大翦西戎西戎既駝矣生人舒息詔公卿選賢良  
先除二千石以江南經用所資首任能者是歲十一月  
二十三日拜前常州刺史京兆韋公損為潤州聲如颶  
馳先詔而至吏人畏服男女相賀即日上無貪刻下無  
冤憤公素知截湖潤壤災甚螟螣臨事風生指期以復  
羣謗雷動山鎮恬然中明獨裁文之以禮乃白本道觀  
察使兼御史中丞韋公元浦中丞撫掌愜心如公之謀  
且曰興利除害得其人而後行非常之政敢歸叔父公  
乃申戒縣吏率徒闕之人不俟召呼拊從役畚鍤蓋野  
峻臯成蹊增理故塘繚而合之廣湖為八十里像月之  
規儔金之固水復其所如鯨鯢射洶洶隱地雷聞泉中  
先程三日若海之瀕望灝灝如吞吐日月沈沈如韞蓄

風雨所潤者遠原隰皆春耕者飽憂者泰於是䟽為斗  
門既殺其溢又支其澤沃墾均品河渠通流商悅奠價  
人勇輸賦遐邇受利豈惟此州每歲萌陰乘陽二氣相  
薄大雨時行羣潦奔流水勢所入盈而無傷龍見方雲  
稼蒙其渥時前相國彭城公劉尚書宴統東方諸侯平  
其貢稅聞而悅之白三事以聞詔書褒異焉彭城公宣  
命至江南捧詔授公公率元僚掾史令丞已下至于耆  
父西向拜手忻戴皇明人心上感天降嘉澤如有神祇  
昭協厥志公正直而和專靜而斷嫉惡宥過惠人察姦  
純鈞精堅百鍊不耗伐冰之貴降從士禮詩云靖共爾  
位好是正直宜其享福也吏人入賀公拱而謝之曰尚  
書劉公觀察韋公奉行王澤也鄙何力之有焉丹陽令  
杜孟寅秉公之清白延陵令季令從如公之愛人金壇  
令胡玘稟公之成規及丹陽耆壽周孝瓊百姓湯原等  
拜首而請曰允為澤允悅也水歸於澤而澤悅於人百  
年浸塞而公啓之臣哉鄰哉克諧帝休永代是式三縣

無灾若不碣而刻之則王命不揚於厥後後之人無以  
依據也華嘗學古見訪為頌頌曰望云云分視冥冥鳥  
開魚樂葭莢生膏腴利倍起訟爭斯人怨抑痛無聲章  
公正直動神靈百年游淀為溲清飢者既分病者寧詔  
書光寵恩霈榮剗然既瞻潤浦在丹徒縣東二里州  
復皎明追琢刻頌揚茶馨以此得名一曰東浦新

亭渚

李善注云十洲記在丹陽郡○謝元暉別范零陵  
詩停驂我悵望輟棹子夷猶廣平聽方籍茂陵將

見西津渡

戴叔倫詩云大江橫萬里古渡渺千秋○孟  
浩然詩北固臨京口夷山對海濱江風白浪

起愁殺漕渠

貫城中司馬遷曰禹之治水於吳則通渠  
三江五湖其來久矣六朝都建康凡三吳

船避京江之險自雲陽西城鑿運漕徑至都下隋平陳  
廢雲陽二瀆大業末穿河西京江至餘杭八百餘里面  
潤十丈擬通龍舟以脩東遊之役自是始復禹通渠  
故道唐世因之白居易詩平河七百里謂此河也

堂

亭衛公堂

在府治之後

蕭閒堂

在鐵甕門西接茅山洞中有  
一居顧況詩蕭閒隱洞房

相公堂

蘇京宰丹陽奉其父頌至邑遇  
誕日築堂為壽後人因名之

向吳亭

在府治

蒙詩秋來懶上  
寄刁景純詩遙約

王介甫  
下路

寶墨亭

蘇子美詩云  
山陰不見換

鵝經京口今傳瘞鶴銘蕭洒集  
仙來見記風流太守為開亭

樓觀望海樓

在府治昔  
蔡君謨經

此題曰——城中最髙處旁視甘露金山如屏障中  
畫出信江南之絕致也後改曰連滄觀○米元章和孫

少述潤州——詩雲間鐵甕近青天縹緲飛樓百尺  
連三峽江聲流筆下六朝山影落樽前幾番畫角催紅

日無事滄洲起白煙忽憶賞北固樓  
輿地志在北固山  
上天色晴明望見

心何處在春風秋月兩茫然  
廣陵城如青霄中鳥道相去五十里○李白詩丹陽北  
固是吳關畫出樓臺雲水間千巖烽火連滄海兩岸旌

旗遠碧山。僧仲殊詩海門礙日山雙聳江北迎人樹  
幾行。○范希文詩北固高樓海氣寒使君曾此凭欄干  
春山雨後青無數。多景樓在甘露寺。○曾子固詩欲收  
借與淮南子細看。嘉景此樓中倚徙欄干四望  
通雲亂水光浮紫翠天含山氣入青紅一川鍾唄淮南  
月萬里帆檣海外風老去衣衿塵土在祇將心目羨冥  
鴻。○劉改之詩壯觀東南二百州景於多處最多愁江  
流千古英雄淚山掩諸公富貴羞北固祇今唯有酒中  
原在望莫登樓西風戰艦成何事只送年年使客舟。○  
又詩金山焦山相對起挹盡東流大江水一樓坐斷天  
中央收拾淮南數千里。○米元章題——呈太守裴  
如晦學士六代蕭蕭木葉稀樓高北固落殘暉兩州城  
郭青煙起千里江山白鷺飛海近雲濤驚夜夢天低得  
月露濕秋衣使君豈負時平樂長倒金鍾盡興歸

江樓

盤州洪景伯為之記

喜雨樓

在城內規模宏壯占一城樓劉郡勝處頗有登覽之快

卿和顏使君登潤州——山城迢遞敞高樓露冕吹鏡  
居上頭春草連天隨北望夕陽浮水共東流江田漠漠  
全吳地野樹蒼蒼故蔣州王粲  
萬歲樓皇甫冉同客登  
魯為南郡客別來無處更銷憂  
思依依極浦遙山合翠微江客不堪頻北望塞鴻何事  
獨南飛維揚古渡寒煙積爪步空洲遠樹稀聞道王師  
猶轉戰誰能  
東軒在甘露寺○周繇詩每日憐晴眺閑  
譚笑解重圍  
吟只自娛山從平地有水到遠天無  
老樹多封楚輕煙暗染吳  
北軒在甘露寺○杜牧寄題  
雖居此廊下入戶亦踟躕  
魯上蓬萊宮裏行——  
欄檻最留情孤高堪弄桓伊笛縹緲宜聞子晉笙天接  
海門秋水色煙籠鹿苑暮鍾聲他年會著荷衣去不向  
山僧道姓名○周繇詩曉色宜閒望山風遠益清白雲  
連晉閣碧樹盡蕪城水靜沙痕出煙銷火野平最堪佳  
此境為我  
月觀在焦樓西晉為萬歲樓唐孟浩然有詩  
長詩情  
○汪彥章記云京口以江山名天下其

來尚矣而為國屏蔽尤重於齊梁晉宋之間觀其千嶂  
所環中橫巨浸風濤日夜駕百川而東之其形勢之雄  
實足以控制南北豈直為騷人羈客區區登覽之勝哉  
州治之西有樓焉並城而出名曰千秋者考諸圖志始  
於晉王恭之時繇樓西南循城百餘步忽飛簷曲檻崑  
然起於城隅之上望數百里見之者月觀也紹興八年  
吳興劉岑季高來刺是州承廢亂之後公私掃地無復  
故時季高以精明彊敏之才易民觀瞻於談笑之頃既  
府寺間井鳩集經營悉從其初始遑暇於游息之地乃  
即——之址輯而新之客有登而歎曰嗚呼壯哉未之  
見也前此頽薨圯棟蕪沒於蒼煙灌莽之中雖江山不  
與時變遷者亦莫吾覩今晨霏夕霽晴嵐煙翠復得於  
几席之上而風颭浪船離鴻落鷺畢陳於樽俎之前如  
客得歸如蒙得發也季高於此可謂能矣非政有餘力  
能至是哉或曰是未足以言季高之政也季高勞於待  
從之事出分天子顧憂方時艱難此州實為襟要其經

理規摹必有足大者嘗與予四顧而望其東曰海門鷗夷子皮之所從遊也其西曰瓜步魏佛狸之所嘗至也若其北廣陵則謝太傅之所築埭而居於江之中流則祖豫州之所擊楫而誓也計其一時英雄懷抱憤中原之未復反虜之未禽欲吞之以忠義之氣雖狹宇宙而隘九州固其胸中之所積亦江山有以發之今攬而納諸數楹之地使千載之事了然在吾目中則季高之志可知矣然自有天地則有山川其間人多矣而山川勝處非人不傳襄陽峴首以羊叔子傳武昌南樓以庾元規傳蜀之籌畢驛以諸葛武侯傳吾知月觀與季高之名籍籍天下矣姑書其本末以補京口故事之遺使後人知此觀復新自吾季高始豈不可喜季高曰可哉

連滄觀

楊廷秀題  
盡大江秋天半飛樓不是樓  
獨立南徐鰲絕頂

下臨北顧虎回頭  
蒜山舊址空黃鶴  
爪步新城臺榭妙  
照白鷗好事主人酌詩客風煙一眼到揚州



高臺

在金山。楊廷秀——詩金山未到時羨渠奄有萬里之長江金山既到了長江不見只見千步

廊老夫平生不耐事點檢風光難可意老僧覺我見曉眉引入妙高臺上嬉不知老僧有妙手卷舒江山在懷袖挂上西牕萬大間長江浮在爐煙端長江南邊千萬山一時飛入兩眼寒最愛簷前絕奇處江心巉然景純墓僧言道許乃浪傳龍宮特書珠貝篇初云謝靈運愛山如愛命擬取天台鴈蕩恠石頭疊作假山立中流又云王逸少草聖入神妙天賜琉璃筆格玉硯屏仍將大江作陶泓老僧開二說沉吟未能決長年抵死催上船徘徊欲去

橋梁清風橋

在府南范希文建子瞻詩傷心范橋水漾漾舞寒藻千秋空茫然

橋

在府治西晉王恭作萬歲樓於城上其下有橋故以千秋名

寺院甘露寺

在城東角土山

上臨大江李德裕建時甘露降因名焉。沈存中詩丞相高齋半草萊舊有風月滿亭臺地從日月生時見天

到江山盡處回三國是非春夢斷六朝城闕野花閒心  
隨潮水漫漫去流徧煙村半日來○蘇子瞻遊——  
有二客相過遂與偕行寺有石如羊相傳謂之狼石云  
諸葛孔明坐其上與孫仲謀論曹公也大鑊二按銘梁  
武帝所鑄畫獅子一菩薩二陸探微筆衛公所留祠堂  
在寺手植柏合抱矣近寺僧發古殿基得舍利七粒并  
石記乃衛公為穆宗造福所葬也詩云古郡山為城層  
梯轉朱欄樓臺斷崖上地窄天水寬一覽吞數州山長  
江漫漫却望大明寺惟見煙中竿狼石卧庭下穹窿如  
伏獬廌懷卧龍公挾策事珣鑕一談收獬子再說走老  
瞞名高有餘想事往無留觀蕭公古鐵鎔相對空團圓  
坡陀受百斛積雨生微瀾泗水逸周鼎渭城辭漢盤山  
川失故態惟此能獨完僧繇六合人霓衣掛冰紈隱見  
十二疊觀者疑夸謾破板陸生畫青猊戲盤跼上有二  
天人揮手如翔鸞筆墨雖欲盡典刑垂不刊赫赫贊皇  
公英姿凜以寒古柏手親種挺然誰敢干枝撐雲峯裂

根入石窟蟠雜草得斷碑斬崖出金棺瘞藏豈不牢見  
伏理可歎四雄皆龍虎遺迹儼未刊方其盛壯時爭奪  
肯少安廢興屬造化遷逝誰控制况彼妄庸子而欲事  
所難古今共一軌後世徒辛酸聊與廣武歎不待雍門  
彈○盧肇詩云北固巖端寺佳名自上台地從京口斷  
山到海門迴曙色煙中滅潮聲日下來一隅通雉堞千  
仞聳樓臺林暗疑降虎江空想度杯福庭增氣象仙磬  
落昭回覺路花非染流年景謾催隋宮凋綠草晉室散  
黃埃西蜀波湍盡東溟日月開如登最高處應得見蓬  
萊○周繇詩盤江上幾層峭壁半垂簾殿瑣南朝像龕  
禪外國僧海濤搗砌檻山雨洒金山寺在金山上屹立  
窓燈日暮踈鍾起聲聲徹廣陵江中真宗夢遊  
此寺後改名龍游○庚溪詩話載孝宗詩曰萃然天立  
鎮中流雄跨東南二百州敵騎每臨須破膽何勞平地  
戰貔貅有堂曰雄跨蓋取聖製中語○張祐詩一宿金  
山頂微茫水國分僧歸夜舡月龍出曉堂雲樹影中流

見鍾聲兩岸聞因悲在朝市終日醉醺醺。孫魴詩萬  
古波心寺金山名日新天多剩得月地少不生塵櫓過  
妨僧夢濤驚濺佛身誰言張處士題後更無人。楊公  
濟陪潤州裴如晦學士遊金山迴作世上蓬萊第幾洲  
長雲漠漠鳥飛愁海山亂點當軒出江水中分繞檻流  
天遠樓臺橫北固夜深燈火見揚州迴船却望金陵月  
獨倚牙旗坐浪頭。王介甫詩天末海雲橫北固煙中  
莎岸似西興已無舡舫猶聞笛遠有樓臺祇見燈山月  
入松金破碎江風吹水雪崩騰飄然欲作乘桴計一到  
扶桑恨未能。又詩北櫂南檣泊四垂共憐金碧爛參  
差孤高萬丈滄波底除却蛟龍世不知。曾子固詩塵  
外岑崑崙驚嶺官架虛排險出青紅林光巧轉滄波上海  
色遙涵白日東夜靜神龍聽呪食秋涼蒼鶻起搏風連  
荆控蜀長江水盡在迴廊顧盼中。羅隱詩老僧齋罷  
闌門睡不管波濤四面生。又題僧院根盤蛟蜃路藤  
蘿四面無塵鞮棹過得似吾師始惆悵眼前終日有風

波○蘇儀甫詩僧依玉鑑光中佳人踏金鰲背上行○  
蘇子瞻遊金山寺詩長江欲盡闊無邊金山當中惟一  
石潮平風靜自浮海縹緲樓臺轉金碧瓜洲初見石頭  
城城下波瀾與海平山中轉拖疑無岸泊舟未定僧先  
迎山中岑寂恐未足復將江水遶山麓四無鄰家羣動  
息鐘聲鏗鏗答山谷鳥鷹力薄墮中路惟有胡鷹石上  
宿誰知江海多行舟遊人上下集巖幽老僧心定身不  
定送往迎來何足竟朝遊未厭夜未歸愛山徃徃如今  
稀不待遊人盡歸去恐君未識山中趣○郭功父金山  
行金山杳在滄溟中雪崖氷柱浮仙宮乾坤扶持自今  
古日月髣髴躔西東我泛靈槎出塵世搜索異境窺神  
工一朝登臨重太息四時想像何其雄捲簾夜閣掛北  
斗大鯨驚浪吹長空舟摧岸斷豈足數徃徃霹靂鉤蛟  
龍寒蟾八月蕩瑤海秋光上下磨青銅鳥飛不盡暮天  
碧漁歌忽斷蘆花風蓬萊久聞未成徃壯觀絕致遙應  
同潮生潮落夜還曉物與數會誰能窮百年形影浪自

苦便欲此地安微躬白雲南來入我望又起歸興隨征  
鴻○蘇子美詩孤峯踴滄江突兀臺殿積驚波四面起  
日夜走礧礧陰壑瀟風雲陽崖產金碧離披萬年樹根  
抱太古石脩廊轉峻閣窈窕壓山脊寶像浮海來珠璣  
冷光滴叩欄見龜鼉揚首意自得偃蹇互出沒日此飽  
餘食又有翠羽禽羣飛喜賓客口銜紺蒂花近我若相  
識開軒必曠絕上下無異色氣象特清壯所覽輒快適  
余心本高洒誤為塵土隔不知人間世有此物外迹落  
日將發舟低  
焦山寺  
善闍吸江亭○歐陽集古錄載華

陽真逸撰瘞鶴銘刻於焦山之足常為江水所沒好事  
者伺水落時摹而傳之○蘇子瞻自金山訪焦山詩金  
山樓觀何耽耽撞鍾擊鼓聞淮南焦山何有有脩竹採  
薪汲水僧兩三雲霞浪打人迹絕時有沙戶祈春蚕我  
來金山更留宿而此不到心懷慙同遊盡返決獨徃賦  
命窮薄輕江潭清晨無風浪自湧中流歌嘯倚半酣老

僧山下驚客至迎笑真作巴人談自言久客忘鄉井只  
有彌勒為同龕困眠得就紙帳暖飽食未厭山蔬甘山  
林飢餓古亦有無田不退寧非貪展禽雖未三見黜叔  
夜自知七不堪行當投劾謝簪組為我佳處留茅庵

### 鶴林寺

在黃鶴山舊名竹林寺宋高祖嘗遊獨卧講堂  
前有五色龍罩即位改名鶴林今名報恩

周寶鎮浙西——有杜鵑花實謂殷七七曰鶴林之  
花天下奇絕嘗聞能開頃刻花可副重九乎及九日爛  
漫如春因遊賞焉○李涉鶴林詩終日昏昏醉夢間忽  
聞春盡強登山因過竹院逢僧語又得浮生半日閒○  
蘇子瞻遊鶴林招隱詩郊原雨初霽春物有餘妍古寺  
滿脩竹深林閑杜鵑睡餘柳花墮目眩山櫻然西窓有  
病客危坐看香煙○行歌白雲嶺坐詠脩竹林風輕花  
自落日薄半山陰澗草誰復識聞香杳難尋時見城市  
人幽居惜未深○韓无咎跋云鶴林招隱皆京口勝處  
也余頃遊焉鶴林近城猶屋數間招隱迤在山中屋亦

無矣况脩竹哉東坡所謂古寺滿脩竹也惜其未深者  
殆鶴林耶○梅聖俞詩松竹暗山門颼颼給清吹傳聞  
宋高祖舊宅為茲寺地以黑龍升經因白馬至何必問  
興亡山川應可記○綦毋潛鶴林寺詩道門隱形勢向  
背臨層霄松覆山殿冷花藏蹊路遙珊珊實幡挂焰焰  
明燈燒遲日半空谷春風連上潮少憑水木興暫令身  
心調願謝勢手慈和寺張祐秋夜登潤州——上方  
客茲山禪誦饒詩清夜浮埃暫歇鄧塔輪金照

露華鮮人行中路月生海鶴語上方星滿天樓影半連

深岸水鍾聲寒徹遠林煙僧房閑盡下樓去一半夢魂

緣世古跡鐵甕城唐乾符中周寶為潤帥築羅城二十

狼石見甘露寺注○羅隱詩紫髯桑蓋此沉吟——猶

存事可尋漢鼎未安聊把手楚醪雖美肯同心英

雄已往時難問苦蘚何知日漸深還

丹徒

地理志秦時望氣者云其



地有天子氣始皇使赭衣三千人鑿城敗其勢改云——呂城去郡城百五十里呂蒙所築劉裕

宅裕徙居京口里○蘇子夢溪沈存中宅在朱方門外

瞻詩———邊霜竹老

夢溪

存中嘗夢至一處小山

花如覆錦喬木覆其上山之下有水夢中樂之將謀居焉後守宣城有道人無外者為存中言京口山川之盛且云郡人有地求售存中以錢三十萬得之又六年因邊議坐謫官乃廬于潯陽元祐初過京口登道人所買之地即夢中所遊處存中嘆曰吾緣在夢矣遂築室焉因名曰——名宦謝安都督徐李

德裕

為浙西道節度使

蕭穎士

為金壇宰

皇朝范仲淹

自饒州徙潤

張耒

以直龍圖閣為守

程珣

明道伊川之父為吏使

魯布

南豐人元符末拜相崇寧初守潤州有宅

在千石壚之東今為統制司酒庫

人物

韋昭雲陽人

祖逖

本傳為奮威將軍將部曲百餘

家自京口渡江中流擊楫而誓曰一許渾郡志居京口  
一不能清中原而復濟者有如大江有別墅在丁

卯橋陸游詩裴相功名冠四朝  
一身世皇朝刁約

老漁樵若論風月江山主丁卯橋應作午橋  
字景純直史館浩然掛冠而歸作建陽人後居  
藏春塢為此州絕景日遊其間陳升之  
于潤神宗朝

拜相沈存中筆談云秀公治第于潤極為宏壯宅成  
已疾惟肩輿一登西樓而已為詩曰丞相旌旗久不歸

虛堂寧止嘆伊威綠槐樓閣山蟬蘇頌  
字子容泉之同

響青草池塘野燕飛蓋謂是也  
其父紳為翰林學士宅在朱方門外曾子張綱  
宅在金

開銘之曰築第京口僅庇風雨蓋謂是也  
壙村湯鵬舉宅在縣東同時執沈括  
字存中錢塘人為

政邑人呼張為西府湯為東府  
京口營夢溪居焉今米芾  
字元章襄陽人其為文不襲  
半為農圃半為軍寨  
前人作其字有晉唐風流愛

京口溪山之勝遂定居  
馬作庵於城東號海岳  
題詠鐵甕郡城牢  
劉禹錫詩土山京口峻云

云城高逼斗牛

白居易詩

東南第一州

僧仲殊詩北顧橫江盡云云六朝都在望

回首倦登樓

風俗太伯餘

白居易詩

城高鐵甕橫強弩

杜牧之詩謝朓詩中

佳麗地夫差傳裏水犀軍云云柳暗朱樓多夢雲畫角  
愛飄江北去釣歌長向月中聞揚州塵土試回首不惜  
千金借  
綠水橋邊多酒樓  
杜牧詩句吳亭東千里秋放歌魯作昔年遊青苔寺裏無

與君  
馬跡云云大抵南朝皆曠達可憐東晉最  
風流月明更想桓伊在一笛聞吹出塞愁  
青山不與興

亡事

僧仲殊詩一昨丹陽王氣銷盡將豪俊謝塵囂衣冠不復宗唐代父老猶能道晉朝萬歲樓邊誰唱

月千秋橋上自吹簫云  
云只共垂楊伴海潮

京口浪花迎棹白

王元之送牛學士知潤州

詔從書殿理江干江外生民識諫官云云海門山色入  
樓寒茅君仙洞披圖見張祐詩碑拂蘚看它日政成無  
一事好吟新

句寄長安

四六

吳頭巨鎮

起從綠野

升華中秘

外控大江

京口金湯之固

惟北固之名邦

眷北固之地雄

按石頭形勢之雄

實近畿之奧壤

控大江之天險

內蔽日畿莫重南徐之鎮

誦東坡甘露之詩足為感慨

外連天塹尤雄北府之兵

讀龍溪月觀之賦直欲規恢

陸龍潛之大府地望本雄

夜望揚州尚見城中之燈火

宿虎視之重屯軍容尤壯

秋臨京口益嚴江上之鼓鼙

遊甘露而誦坡老之名章

萬旅雲屯軍政必明于紀律

訪金山而懷韓公之雄縣

一江天險舟師尤謹于隄防

城高鐵甕既嚴兵甲之屯

臨江水以觀兵宜魏人之發嘆

境勝金山尤恃波濤之險

鑿河渠而通漕由隋帝之開端

樓登多景可徙悵望于中原京口卜居有元祐相臣之陳迹  
舟濟大江直欲誓清于此水江心奏捷餘建炎大將之英風

### 嘉興府

嘉興 華亭  
海鹽 崇德

### 建置沿革

禹貢揚州之域吳地斗分野漢書地理志春秋  
書於越敗吳于檣李即此地也秦為由拳

縣始皇時見山下出王氣使諸囚鑿之囚倦後人訛  
為由拳漢因之吳改為嘉禾縣又改為嘉興縣隋屬  
蘇州又屬杭州五代石晉時吳越文穆王元瓘始經  
邑為州置秀州國朝賜名嘉禾以孝宗誕聖之地陞  
嘉興府領縣  
四治嘉興

### 事要郡名嘉禾

郡志吳黃龍五年一生于由拳改名橋李漢志曰由拳  
應劭曰即古

### 之風俗風俗淳秀

題名記惟秀介二大府旁接三江  
擅湖海魚鹽之利號澤國秔稻之

鄉土膏沃饒云云文賢人物之盛

慕文勤農

圖經其俗尤一儒

頗一形勝秀澤國也

見月波樓記

若漢右扶風

張元成嘉禾志序密拱鳳

城云負海控江

章峴會浦河記一土為上腴

地為通津

王鉅壁記

故井邑繁雄訟詬全壅舟車走集

土產鹽

海一縣序云昔吳王煮

子草布

鄉落間績此布以為業

蠲崇德學記稻一山川胥山

在嘉興縣

東三十里舊經伍子胥經營于此水經云子胥死于吳而浮尸于江吳人憐之立祠于江上名曰一由

拳山

在嘉興縣其地產佳紙

爰山

在嘉興縣西南六十里昔道士爰基尸解于此鳳山

亭崑山

在華亭縣西北三十里按吳地記陸氏之祖葬于此因生機雲皆負詞學時人以玉出崑崗而

名焉。王介甫和唐詢十詠玉人出此山。山宿傳此名。崖風與穴水清越百餘音悲哉。世所與一出受歌傾不。如鶴與猿棲。金山在華亭縣南九十里。上有寒穴舊經。息尚全生。昔周康王遊鎮大海遂築城以接此。

山澱山

在華亭縣東南三十里小湖中

秦佳山

在海鹽縣十八里與地志秦始皇常登因名之

陳山

在海鹽縣東北四十里有龍潭及廟祈雨必應

華亭谷

輿地志吳大帝以漢建安中封陸機

為一侯即以所居為封

一出嘉魚蓴菜又多白鶴清

唳故陸機嘆曰千里蓴羹未下鹽豉及臨刑嘆曰華亭

清唳不三女岡

在華亭縣東南八十里相傳吳王華妃于此。王介甫詩自古世上雄慷慨擅

功名豈時強有力能使死者生三女共一城鶴坡在華亭

里此地出鶴

瀚海

在華亭縣西抵海鹽東抵松江

柘湖

在華亭縣南七

俗謂之

方輿勝覽

十五

生拓因名吳越春秋海鹽縣淪沒為——吳地記秦時  
有女人入湖為神今其祠存○王介甫詩——林著——山  
菱葉蔓湖濱秦女亦何事能為此湖神年年賽  
雞豚漁子自知津幽妖屈險阻禍福易欺人  
興又名鴛鴦湖按——草堂記鴛李澤國也東  
南皆陂湖而——尤大其故履百有二十頃  
亭縣南長百五十里舊記曰——出吳小湖逕由拳縣  
故城下神異傳曰由拳縣秦長水縣也始皇時縣有童  
謡曰城門當有血城陷沒為湖有老嫗聞之旦旦往窺  
城門門侍欲縛之嫗言其故嫗去後門侍殺犬以血塗  
門嫗又往見血走去不敢顧忽有大水  
乃淪陷為谷矣因目長水城水曰——  
淳熙中用太平廣記所載攪龍法以長繩繫虎頭骨投  
之即雨○許同詩呼吸湖中水山椒寄此身洞門風雨  
夜電火  
迷霜鱗  
**華亭水**  
水自華亭谷行三百里入松江○王介  
甫詩巨川非一源源亦在衆流此谷乃

**白龍潭**

去嘉興縣五里



清淺松江能覆舟蟲魚何所知上下  
相沉浮徒嗟大盈此浩浩無春秋  
**寒穴** 在華亭縣  
王介甫詩神

泉冽冰霜高穴與雲平空山溥千秋不出鳴咽聲山  
風吹更寒山月相與清北客不到此如何洗煩醒  
**滄**

**瀆** 在華亭縣東江之側蓋  
虞潭表崧防海之處  
**韭溪** 在州南  
**堂亭思堂** 在華  
亭丞

廳章質夫建蘇子瞻記曰嗟夫余天下之無思慮者也  
遇事則發不暇思也未發而思之則未至已發而思之  
則無及以此終身不知所思是故臨義而思利則義必  
不果臨戰而思生則戰必不力若夫窮達得喪死生則  
吾有命矣且夫不思之樂不可名也虛而明一而通安  
而不懈不處而靜不飲酒而醉不閉目而睡將以是記  
思堂不亦謬乎雖然言各有當也萬物並育而不相害  
道並行而不相悖以質夫之賢其所謂思者豈世俗之  
營營於思慮者乎易曰無思也無為  
也我願學焉詩曰思無邪質夫以之  
**月波樓** 在州西北  
城上下瞰

金魚池元祐令狐挺立。後守毛滂重脩記云望而見月無有遠近容光必照而秀澤國也水濱之人起居飲食與月波接意將覽取二者于一樓之上也。鄭毅夫詩古壕鑿出明月貝樓閣飛來兔影中野色更無山隔斷天光直與水相通溪藏畫舫清紋接人在荷花碧玉叢若把金魚破裨暑晚雲深處待歸風浩燕亭

在州宅取沈存中

花月亭

張子野倅秀創此亭取會

景亭

在春波門外

列岫亭

在普濟院。張堯同吾州風物好唯是欠青山忽有洞庭色來從一

笑佛寺鹿苑寺

在海鹽縣西北三十五里魯貫之初宰此邑夢胡僧來迎叅政及瞻羅漢像即

夢中招提寺

在嘉興縣西有靜照堂王介甫范景仁一時諸賢皆留題

祠墓陸宣公

祠

東萊呂伯恭記云贊蘇州嘉興人在晉時吳越王元瓘奏以嘉興置州今城東橋有以宣公名者相傳即

公所生之地也。其故宅今為寶花寺。劉伶墓在嘉興縣東蘇小小墓在嘉

興縣西南六十步乃晉之歌姬今有片石在通判廳題曰一一一豈非家在錢塘而墓在嘉興乎。徐凝寒

食詩嘉興郭裏逢寒食落日家家拜掃古跡吳王獵場

回只有縣前蘇小小無人送與紙錢財在華亭谷東陸遜子孫游獵于此又名陸機葦故陸士衡云五葦春草雉媒嬌。王介甫詩吳王好射虎但射

不操戈匹馬掠廣地萬兵助遮羅時平事非秦皇馳道

昔此地桑麻多猛獸亦已盡牛羊在田坡在嘉興西北崑山南四里相傳有大塢路即馳道也。

王介甫十詠穆王得八駿萬事不期脩莊莊千載間復此好遠遊車輪與馬跡此地亦禦兒分境通典吳越分

嘗留想當治道時勞者如山邱禦兒分境之所。國語吳用禦兒臨之。張堯同詩云用此臨吳裴休宅去

戰何人為越謀夫差終不寤亡國始知羞嘉

興四里今陸機宅在崑山。王介甫詩故物亦已盡嗟為真如寺此歲月深野桃自著花荒棘徒生鉞

芊芊谷水陽鬱鬱崑山陰養魚池在城外即陸瑊池又俛仰但如昨逝者不可尋唐刺史丁延贊得金

鯽魚于此即今之西湖。王介甫詩野人非昔人亦復水上居紛紛水中游豈是昔時魚吹波浮還沒競食糟

糠餘吞舟不可顧野王讀書堆在海鹽縣東顧亭湖即見守此歲月除今寶雲寺。唐詢詩平

林標大道曾是野王居往事將誰語淒涼六代餘。顧林亭詩寥寥湖上亭不見野王居平林豈舊物歲晚空

扶疎自古聖賢人邑國皆邱名宦周顒隱金陵之北山墟不朽在名德千秋想其餘應詔出為海鹽

令孔稚圭作北李諤為海鹽令在縣西境皇朝魯宗道山移文譏之創開二所蓄河灌田

為海鹽龐籍知州名為殿李綱為華人物陸遜為孫權縣令中侍御史亭尉海昌令

即今鹽官墓在華亭  
縣西北二十三里  
陸抗遜之子守邊與晉羊祜交和

陸機成都王穎討長沙王乂假機後將軍河北大都督  
為孟玖譖於穎遇害于軍中與穎牋詞甚悽惋弟

雲亦陸雲機之弟號二陸閔鴻見雲奇之  
遇害陸雲曰此兒若非龍駒當是鳳雛  
朱買臣嘉興縣北

七里有死灣亭即一一為內  
史衣錦還鄉時其妻羞死之地  
皇朝陳舜俞嘉興人應

題詠月在江樓倚玉簫  
陸魯望和皮日休吳中即  
事雲藏野寺分金刹云  
惆悵

月中千歲鶴  
胡曾詩云陸機西沒洛陽城吳國春  
風草又生云云夜來猶為嘆華亭  
華亭

驚夢九臯禽  
楊大年寄劉秀州騎置迨迨阻玉音左魚  
江海遂初心朱絃道直消浮謗春草才多

動苦吟震澤析醒千樹橘云云郡  
樓晴日東西望幾處甘棠接翠陰  
潮上孤城帶月回  
沈

中秀州秋日草蒲池塘霜送梅林疎野色近樓臺天園  
故越侵雲盡云云客夢吟隨風葉斷愁心低逐鴈聲來  
流年又喜經重九外邑勤苦字人酬帝力許明府詩  
可意黃花是處開李傳聞風教好重門夜不上重闕腰  
懸墨綬三年外身去青雲一步間云云從容對客問家  
山升沉路別情猶在不忘鄉中舊往還

四六

矧惟檇李密拱武林

言從檇李少憇甘棠

疏榮符竹趣鎮嘉禾

迺今一麾如昔三輔

清蹕定都作輔藩而增重  
阜陵毓秀陞府號以更新  
就日望雲去闕庭而不遠  
封圻廣袤是為檇李之區  
經行郡境哦荆國之十詩  
井里豐登庸表嘉禾之瑞  
俛仰思堂誦坡公之一記  
攬月波于層樓起居必接  
羞崑崙薄蓬萊孰窺雅志  
酌雲泉于寒穴襟抱俱清  
左扶風右馮翊欲展通村

過宣公之祠下忠槩如生  
處章子之堂中記文有警

方輿勝覽卷三



欽定四庫全書

方輿勝覽卷四

宋 祝穆 撰

安吉州

烏程長興

歸安德清

安吉武康

建置沿革

禹貢揚州之域古防風氏之國乃震澤具區之間分野於辰曰丑次曰星紀宿曰斗牛

楚為菰城即春申君之邑也秦以其地置烏程縣屬會稽郡漢因之東漢光和末張角亂荆揚尤甚此鄉守險助國漢朝嘉之立縣名安吉吳置吳興郡隋平陳廢吳興郡置湖州取太湖為名唐及皇朝因之錢氏納土陞昭慶軍太平興國析歸安置烏程縣實慶二年改湖州為安吉州領縣六治烏程歸安兩縣

事要郡名吳興

苕溪

在烏程縣南五十步兩岸多生蘆葦故曰苕

雲川

尤

志雲溪四水合為一溪自清源門入曰茗溪其溪濁自定安門入曰雲溪其流清餘不溪出天目山前溪出銅峴山舊經謂雲者四水笠澤在州東二十二風俗人性激射之聲其說誤矣

敏柔而惠

三朝國史志云云尚浮屠之教

奢靡而亡積聚

同上云云急於國利奇巧

之技寡求而不爭

蘇子瞻墨妙亭記吳興自東晉為善地號為山水清遠其民足於魚稻蒲

蓮之利云云賓客非特有事於其地者不至焉

形勝江

表大郡

顧況壁記云云吳興為一夏屬揚州秦屬會稽漢屬吳郡吳為吳興郡其野星絕其數具區其

貢橘抽纖縞茶紵其英靈所誕山澤所通舟車所會物土所產雄於楚越雖臨淄之富不若也其冠簪之盛漢

晉以來敵天下三分之一

山水清遠

見上

土沃候清

李方直白蘋堂記吳江之南震

澤之陰曰湖州幅員千里綦布九邑弁山屈盤而為之鎮五溪叢流以導其氣其土沃其候清其人壽其風信

### 實土產太湖石

白居易太湖石記古之達人皆有所嗜

嗜酒今丞相竒章公嗜石石無文無聲無臭無味與三物不同而公嗜之何也衆皆恠之走獨知之昔故友李生名約有云苟適吾意其用則多誠哉是言適意而已公之所嗜可知之矣公以司徒保釐河雒治家無珍產奉身無長物惟東城置一第南郭營一墅精葺宮宇慎擇賓客性不苟合居常寡徒游息之時與石為伍石有族聚太湖為甲羅浮天竺之徒次焉今公之所嗜者甲也先是公之僚吏多鎮守江湖知公之心惟石是好乃鉤深致遠獻瑰納竒四五年間累累而至公於此物獨不廉讓東第南墅列而置之富哉石乎厥狀非一有盤坳秀出如靈邱鮮雲者有端儼挺立如真官神人者有鎮潤削成如珪瓚者有廉稜銳剝如劍戟者又有如此如

鳳若跼若動將翔將踴如鬼如獸若行若驟將竦將聞  
風烈雨晦之夕洞穴開暄若欲雲歟雷嶷嶷然有可望  
而畏之者煙霽景麗之旦巖崿霏霏若拂嵐撲黛霽霽  
然有可狎而翫之者昏曉之交名狀不可撮要而言則  
三山五岳百洞千壑觀縷簇縮盡在其中百仞一拳千  
里一瞬坐而得之此所以為公適意之用也與公迫觀  
熟察相顧而言豈造物者有意於其間乎將胚腴凝結  
偶然成功乎然而自一成不變已來不知幾千萬年或  
委海隅或淪湖底高者僅數仞重者殆千鈞一旦不鞭  
而來無脛而至爭奇騁恠為公眼中之物公又待之如  
賓友親之如賢哲重之如寶玉愛之如兒孫不知精意  
有所召耶將尤物有所歸耶孰不為而來耶必有以也  
石有大小其數四等以甲乙丙丁品之每品有上中下  
各刻于石陰曰牛氏石甲之上丙之中乙之下噫是石  
也百千載後散在天壤之內轉徙隱見誰復知之欲使  
將來與我同好者覩斯石覽斯文知公之嗜石之自

紫筍茶

見顧渚注

金鼈玉膾

蘇子瞻嘗云吳興庖人斫松江鱸膾土人謂之——司

馬君實送張伯鎮知湖州詩江外饒佳郡

烏程美酒

吳興

新錄秦時程林烏巾二

山川何山

在烏程縣亦曰金蓋山。蘇子美遊雪上

何山詩今古——是勝遊亂峯縈轉繞滄洲烟舍老樹

明還滅石礙飛泉咽復流徧嶺煙霞迷俗客一溪風雨

卞山

亦曰弁山上有龍池。蘇子瞻和章湖州雪水未渾

送歸舟自嗟塵土先衰

老底事孤僧亦白頭

纓可濯弁峯杼峯

在烏程南三十里昔夏后杼南遊之

初見眼應明

所顏真卿於此起三癸亭陸羽釋皎然皆

有詩

毗山

在烏程縣東北九里。梁吳均和柳惲亭詩平湖曠復遠高樹峻而危

昇山

王逸少為太守嘗昇此山顧謂賓客曰

峴山

在州南五

百年之後誰知王逸少與諸卿遊此乎

峴山

在州南五

里唐李相

方輿勝覽

三

適之為別駕有石酒鐫在焉。○葛立之詩話云羊叔子鎮襄陽嘗與從事鄒湛登——慨然有泯沒無聞之嘆——亦因是以傳古今名賢賦詠多矣吳興——去城——有詩云苔水如漢水鱗鱗鴨頭青吳興勝襄陽萬瓦浮青冥我非羊叔子愧此——亭悲傷意此同歲月如流星湛輩何足道當以德自銘東陽岷山去東陽縣亦三里舊名三邱山宋殷仲文素有時望自謂必登台輔忽除東陽太守意甚不樂嘗登此山悵然流涕郡人愛之如襄陽之於叔子因名——二峯相峙有東峙西岷唐寶歷中縣令于興宗結亭其下名曰涵碧劉禹錫有三詩云新開潭洞疑仙府遠瀉丹青到雍州即其所也

山

在歸安縣西南八十三里吳興記在太湖中白波四合三點黛色。○陸士龍詩我家五湖陰君住三山陽

天目山

在安吉南七十五里上有兩池故名邀齋閣覽云昔有登此山者遇暑雨見雲霧皆在山腰雷

似嬰兒聲

# 西塞山

即慈湖鎮道山磯  
詳見張志和注

# 茶山

在長興縣西產紫  
笋茶。杜牧茶山

詩山實東吳秀茶稱瑞草魁剖符雖俗吏脩貢亦仙才  
溪盡停蠻棹旗張卓翠苔重遊難自尅俛首入塵埃

# 五湖

在烏程縣  
詳見平江

# 太湖

在長興東占湖常  
宣蘇四州之境

# 白蘋洲

在雪溪  
東梁柳

憚詩汀州採白蘋日暮江南春

# 顧渚

在長興西北即水口鎮唐置貢茶  
院于此張元之銘云昔吳夫差顧

其渚次平衍可為都邑故名

# 箬水

在吳興縣南有上箬下箬惟下  
一釀酒醇美。劉禹錫詩駱駝橋

上春風起鸚鵡  
孟中——香

# 前溪

在武康縣西唐于兢云即南朝習  
樂之所。崔顥詩舞愛——妙歌

憐子晝畫溪  
夜長

在武康縣西八里花時游人常競集于此  
溪半有——亭在馬唐鄭谷有詩見後

# 雪溪

楊廷秀過雪川大溪詩菰蒲際天青無邊只堪蓮  
蕩不堪田中有一溪元不遠摺作三百六十灣政

如綠錦地衣上玉龍盤屈於其間前船未轉後船隔前  
灣望得到不得及至前灣到得時只與後灣纔咫尺朝  
來已渡數百榮問知德清猶半程老

井泉金沙泉

在長興縣

夫乍喜權夫悶管有到時君莫問  
啄木嶺即每年造茶之所也湖常二郡接界于此上有  
境會亭每茶節二牧畢至祈泉處沙中居常無水將造  
茶太守具犧牲祭泉久之發源清溢造御茶畢水樓閣  
則微減供堂者畢水已半矣太守造茶畢即涸矣

消暑樓

在焦門東○杜牧題吳興——詩晴日登攀  
好危樓物色饒一溪通四境萬岫遶層霄鳥翼

舒華屋魚鱗棹短橈浪花機作織雲葉匠新雕臺榭羅  
嘉卉城池敞麗譙蟾蜍來作鑑蟬螭引成橋燕任隨秋  
葉人空集早朝楚鴻行盡直沙鷺立偏翹暮角淒遊旅  
清歌慘沈寥景牽遊目因愁託酒腸消遠吹流松韻殘  
陽渡柳橋時陪庾公賞還悟脫煩囂○滕宗諒上范希  
文詩序曰觀名與天壤齊者有若豫章之滕閣九江之



庾樓吳興之消暑宣城之疊  
嶂此外不過更二三所而已  
明月樓在子城西○苔溪詩話刺史楊傑次

公詩曰江南地暖少嚴風九月炎涼正得中溪上玉  
樓樓上月清光合作水晶宮吳興因此謂之水晶宮  
亭樹

碧瀾堂

杜牧建○陳希元詩苔溪清淺雲溪斜碧玉寒光照萬家誰向月明終夜聽洞庭漁笛隔蘆花

五亭

白居易記湖州城東南二百步抵雲溪溪連汀洲洲一名白蘋梁吳興守柳惲於此賦詩云汀洲採

白蘋因以名為也前不知幾千萬年後又數百載有名無亭鞠為荒澤至大厯十一年顏魯公真卿為刺史始剪榛導流作八角亭以遊息焉旋屬災潦荐至治堙臺圯後又數十載委無隙地至開成三年弘農楊君為刺史乃疏四渠濬二池樹三園構五亭升木荷竹舟橋廊室泊遊宴息宿之具靡不備焉觀其架大溪跨長汀者謂之白蘋亭介二園閱百卉者謂之集芳亭面廣池目列岫者謂之山光亭既神曠者謂之朝霞亭狎清連者

謂之碧波亭五亭間開萬象迭入嚮背俯仰勝無遁形  
每至汀風春溪月秋花繁鳥啼之旦蓮開水香之夕賓  
友集歌吹作舟棹徐動觴詠半酣飄然恍然遊者相顧  
咸曰此不知方外也人間也又不知蓬瀛崑閬復如何  
哉時予守官在洛陽楊君絨書賁圖請予為記予按圖  
握筆心存目想覩樓榭十不得其二三大凡地有勝  
境得人而後發人有工匠得物而後開境心相遇固有  
時耶蓋是境也實柳守濫觴之顏公推輪之楊君續素  
之三賢始終能事畢矣楊君前牧舒舒人治今牧湖湖  
人康康之曲草芡興利若改茶法變稅書之類是也利  
興故府有羨財政成故居多暇日錄是以餘力濟高情  
成勝槩三者施相為用豈偶然哉昔謝柳為郡樂山水  
多高情不聞善政龔黃為郡憂黎庶有善政不聞勝槩  
兼而有者其吾友楊君乎君名漢公字用義恐年祀寢  
久來者不知故名而字之時  
開成四年十月十五日記

# 西亭

在城西門外臨溪唐  
太守柳惲建有詩見

白蘋洲注。張籍雲溪西亭晚望。雲水碧悠悠。西亭柳岸頭。夕陽生遠岫。斜照逐迴流。此地動歸思。逢人方倦遊。吳興耆舊盡。六客亭在郡國中。元祐中守張復作空見白蘋洲。

### 六客亭

後序曰。昔李公擇為此郡張子

野劉孝叔在焉。而楊元素蘇子瞻陳令舉過之。會於碧澗堂。子野作六客詞傳於四方。今僕守是邦。子瞻與曹子方劉景文蘇伯固張秉道來過。與僕為六。而向之六客獨子瞻在。復繼前作。子野為前六客詞。而子瞻為後六客。墨妙亭。孫覺建蘇子瞻記。自莘老之至。歲適大飢。詞。書期會而莘老以其餘暇。網羅前人賦詠。數百篇為吳興新集。其刻畫尚存。而僵仆斷缺於荒陂野草之間者。又皆集水亭。在定安門外舊尉治。元豐中守蘇子瞻於此亭。嘗賦詩云。兩尉鬱相望。東南百步場。揮旗蒲柳市。伐鼓水雲鄉。已作觀魚檻。仍開射鴨堂。全家依畫舫。極目亂紅粧。激激波頭細。踈踈雨脚長。我來閤濯。

足溪漲欲浮床澤國山圍裏孤城  
水影旁欲知歸路處處葦外聽風檣

雲溪館

杜牧得替後  
移居此館詩

萬家相慶喜秋成處處樓臺歌板聲  
千歲鶴歸猶有恨  
一年人住豈無情  
夜凉——留僧語風定蘇潭看月生

景物登臨閒始見  
願為閒客此閒行

佛寺何山寺

汪彥章何氏書堂記云  
吳興環城皆水獨西南

崗嶺相屬十餘里而得浮屠氏之居  
二馬東曰道場西曰何山何山立於宋元嘉中道場近出於唐末五季之

初然道場踵相躡得人法席雄盛鍾魚殷殷聲聞東南  
何山敗屋數椽殘僧數輩望之蕭然游者弗顧也紹興

初余守吳興得二禪老曰慧琳曰慧居使分居二山慧  
居何山數年剪薙榛蕪易其地腐而一新之於是游道

場者如入王侯之家其隆棟傑閣足以納光景而吞江  
湖已而過何山則草樹葱蘢軒窓窈窕經行之地皆雅

潔幽深如造高人隱士之廬至者  
忘歸不勝雄盛移而為清盛也

萬壽院

在道場山詳  
見上注○蘇

子瞻遊二山詩道場山頂何山麓上徹雲峯下幽谷我  
從山水窟中來尚愛此山看不足陂湖行盡白漫漫青  
山忽作龍蛇蟠山高無風松自響誤認石齒號驚湍山  
僧不放山泉出屋底清池照瑤席堦前合抱香入雲月  
裏仙人親手植出山回望翠雲鬟碧瓦朱欄縹緲間白  
水田頭問行路小溪深處是何山高人讀書夜達旦至  
今山鶴鳴夜半我今廢學

### 東林寺

王會回仙碑熙寧間  
湖州歸安縣之東林

有隱君子沈思字持正隱於東林因以東老名焉能釀  
十八仙白酒一日有客自稱回道入長揖曰知君白酒  
新熟願求一醉東老與之語無不通究知非塵埃中人  
也因坐與飲自日中至暮飲數斗殊無酒色回曰久不  
游浙中今為子有陰德留詩贈子乃擘席上石榴皮題  
詩于壁曰西鄰已富憂不足東老雖貧樂有餘白酒釀  
來因好客黃金散盡為收書既別莫知所徃後蘇子瞻  
和其詩三首其一曰淒涼雨露三年後彷彿塵埃數字

餘至用榴皮緣底事中書君豈不中書  
沈氏捨宅為寺即今之東林寺是也

**古跡堯市**

在長興縣

堯時洪水於此山作市○唐僧皎然曰堯  
市人稀紫筭多皮日休詩閑尋堯市山

**蘇公潭**

唐蘇瓌為

烏程尉墮此潭聞人語云  
扶出後為相有記見存

**相國池**

烏程令李晤生相國  
紳於縣廨學弄之歲

誤墮此因名見  
李蟾修廨記

**何氏書堂**

在何山寺汪彥章記圖記相  
承以何氏為晉何楷嘗讀書

此山後為吳興太守以其居為寺而名其山顏魯公書  
杼山碑亦曰寺西南有何楷釣臺則楷嘗居此山無疑

然於晉史無所考見惟宋書及  
唐林寶姓纂云楷為晉侍中

**名宦陸抗**

唐顧况湖州  
太守廳壁記

鴻名大德在晉則一一陸納謝安謝萬王羲之坦之獻  
之在宋則謝莊褚彥回在齊則王僧虔在陳則吳明徹

在唐則顏真卿

**謝安**

為守在官無當時  
舉去後為人所思

**柳惲**

為守顏真卿在

郡

與李萼陸羽等討論韻海鑑源鳥  
程縣西南寶積院寺碑載之甚詳  
杜牧為刺史建碧波

城幕間湖州多奇麗往遊焉刺史崔君張水嬉牧見一  
女妓期之曰吾不十年來守此郡不來從所適洎牧守

是州女已從人三載矣牧因賦詩曰  
自是尋春去較遲不須惆悵怨芳時  
于頔為刺史修皇

朝胡宿為守大興學校學者  
盛於東南自湖學始  
胡翼之實元間守滕宗諒

翼之主學四方之士雲集受業有經義齋有治道齋是  
年京師建太學請下湖學取為太學法  
歐陽永叔詩

吳興先生富道德詵詵子弟皆賢才  
先收先生作棟梁以次收拾桶與榱  
蘇軾自徐徙湖言

語以為怨謗坐貶  
黃州團練副使  
陳瓘為湖州掌書記  
陳與義為守有

文同字與可  
為守  
人物吳均注范曄  
後漢書沈約著晉宋  
沈傳師清

人陸羽

隱于苕溪自稱桑苧翁著茶經

孟郊

字東野武康人有詩名

張志和

郡人自稱

煙波釣徒又號元真子有漁父詞云西塞山邊白鷺飛桃花流水鱖魚肥青箬笠綠簑衣斜風細雨不須歸

皇朝沈括

郡人

徐處仁

為相

張子野

詞語清麗號張三影

題詠雪溪殊

冷僻

白居易寄錢湖州李蘇州俱來滄海郡半作白頭翁謾道風煙接何曾笑語同云云茂苑太繁雄惟

此錢塘郡閑忙恰得中

全在水雲中

鄭谷寄湖州從叔員外顧渚山邊郡溪將疊畫通遠看城

郭裏云云西閣歸何晚東吳興未窮茶香紫笋露洲迴白蘋風歌緩眉低翠杯明蠟剪紅政成尋往事輟棹問

漁翁夜柵集茶橋

杜牧出守吳興詩綠水棹雲月洞庭歸路長春橋垂酒幔云云箬影沉溪暖蘋

花遠郭香吳興水晶宮

歐陽永叔送胡學士知湖州武平天下才四十滯鉛槧忽乘使君舟傍楫



不可纜都門春漸動柳色綠將暗掛帆千里風水間江  
灩灩云云樓閣在寒鑑橘柚秋苞繁烏程春甕醖清談  
越客醉屢舞吳娘艷寄環城三十里蘇子瞻荷花詩云  
詩母憚煩以慰離居念云處處皆奇絕蒲

蓮浩如海時見舟一葉綠水烏程地王介甫詩云云青山顧渚瀕  
酒醪猶美好茶舞正芳新聚

泛尊前月分班焙上春仁風已及俗樂事始闢身橘  
柚供南貢楓槐望北宸知君白羽扇歸日未生塵鱸

鱸雪花肥司馬君實送章伯鎮知湖州江外饒佳郡吳  
興天下稀蓴羹紫絲滑云云星斗寒相照煙

波碧四圍柳侯還詩好何妨戀白蘋羅隱貴提金印出  
作牧草樹轉清輝咸秦瀟洒江城雨

度春一沍水清疑見膽數重山翠欲留人望崇早合  
歸黃閣云云自是受恩心未足却垂雙翅羨吳均萬

家笑語荷花裏林子中詩遠郭芙蓉拍岸平花深蕩  
漿不聞聲云云知是人間極樂城側

聞吳興更清絕

蘇子瞻將之湖州戲贈孫莘老詩餘杭自是山水窟云云湖中橋林新著霜溪

上苔花正浮雪顧渚茶牙白於齒梅溪木爪紅勝頗吳兒膾縷薄欲飛未去先說饒涎垂亦知謝公到郡久應

惟杜牧尋春遲鬢絲只好對禪榻不用湖亭張水嬉

四六

輒班楓陞出鎮苔溪

眷是吳興為今馮翊

迺顧雪川

苔雪與區

實雄浙右

晉唐名郡

銷暑樓高數作民間之清蔭膏田沃野樂難豚社稷之豐水晶宮爽恍如島上之仙居大澤荒陂足魚蟹蒲蓮之利郡佳地近昔猶法從之肯來建齋芹泮當稽安定之遺規賦書訟囂今復近親之難問擁旆苔溪尚訪文忠之陳迹火雲尚熱諒少留水晶之宮萼羹鱸膾備形迺更之詩玉露漸涼當即越文石之地橘林茶芽更紀坡仙之詠地非孔道罕來車去騎之將迎郡乃名麾有飲酒投壺之間雅

孫亭無恙或尋斷碑於榛莽之間  
胡學未忘願訪遺規於藻芹之地

### 常州

晉陵 武進  
無錫 宜興

### 建置沿革

禹貢揚州之域於天文為須女之分星紀  
之次於辰在丑春秋時屬吳延陵季子之

采邑也後屬越又屬楚秦置會稽郡延陵等四縣俱  
屬焉漢改延陵為毗陵縣東漢屬吳郡晉為毗陵郡  
又諱毗改晉陵郡隋於蘇州常熟縣置常州李唐因  
之皇朝平江南歸版圖今領縣四治晉陵武進兩縣

### 事要郡名毗陵

見沿革注

### 陽羨

輿地志云吳越間謂荆為  
楚秦以子楚改為

錫

### 山

圖經昔有識述其地云無錫寧天  
下平有錫兵天下爭故縣名無錫  
風俗人性吉直

寰宇

記云云黎  
庶淳邈

### 異材挺生

風俗記穎一之  
邦

### 學子知所嚮慕

朱元

晦宜興縣學記知縣事括蒼高君商老之來躬為講說  
開之以道德性命之指博之以詩書禮樂之文使其士  
知所學蓋有卓然科舉文  
字之外者於是縣人云云  
**大觀貢士**——  
五十三人實最  
諸郡天子下詔褒異  
**一榜三魁**  
熙寧癸丑朝廷方以經  
守貳教官皆旌賞焉  
術取士諫議即林首登  
天府朝奉郎剛後冠南宮學士余  
中遂居廷試衰然之選盡出茲邑  
**遠鷺之流棲伏于此**  
毗陵志由唐以來云云李堪拂衣詞場陸希聲辭聘藩  
府又有杜牧之水榭李幼卿玉潭陸勲禪居顧况茶舍  
皆見於  
紀詠  
**兼有水族陸產**  
同水上水族之珍陸  
產之貴乃兼有之  
**形勝湖有洮**

**潞**

常州有洮湖潞  
湖皆與具區通

**林麓鬱然**

郡志毗陵雖號澤國  
而岡阜相屬云云

**山川**

**橫山**

在晉陵徐楷碑云晉  
右將軍曹橫所葬

**慧山**

去無錫縣七里山東西  
有泉皆合於溪西南入

太柯山 在慧山側吳仲雍五世孫柯相所治之處 順山 在宜興縣陸相隱迹之所 南嶽 雲抄

謾錄宜興安陽山 在無錫縣山頗峻俗號大筆峯 夫椒山 左傳吳王敗越王於

杜預注太湖 在州東 荆溪 在宜興東 百瀆 上

縣五十七里下 一 至宜興縣五十里荆溪既居下流受數郡之水古人以 一 溪不能當故於震澤之口疏為

百派又開橫塘一道綿亘數十里以貫 一 蓋橫塘直南北以經之 一 列東西以緯之分流以下震澤

牛閘 楊廷秀過 一 詩春雨未多河未漲閘官惜水如金樣聚船父住下河灣等待船齊不教放忽然三

板兩板開驚雷一聲飛雪堆衆船過水水不去船底怒濤跳出來下河半篙水欲蒲上河兩平勢差緩一行一

十四艘舡相隨井泉新泉 獨孤及慧山寺 一 記此寺過間如魚貫居吳西神山之足山小多泉

其高可憑而上下有靈池異花載在方志山上有真  
儒隱客遺事故迹而披勝錄異者淺近不書無錫今敬  
澄字深源以割雞之餘考古按圖葺之築之乃飾乃巧  
有容竟陵陸羽多識名山大川之名與此峯白雲相與  
為賓主乃稽厥創始之所以而志之談者然後知此山  
之奇方掩他境其泉伏湧潛泄渠濬舍下無止無竇蓄  
而勿注深源順地勢以順水性始發壑袤丈之治疏為  
懸流使瀑布下鍾甘溜湍激若醴濃乳噴及于禪床周  
于僧房灌注于德池經營于法堂潺潺有聲聆之耳清  
濯其源飲其泉使貪者讓躁者靜情者勤道者堅固  
境淨故也夫物不自美因人美之泉出於山發於自然  
非夫人疏之鑿之之工則水之時用不廣亦猶無錫之  
政煩民貧深源道之則千室襦袴仁智之所及功用之  
所格動者響答其揆一也余飲其泉而悅之乃志美於

石堂亭凝露堂

唐大厯中川內廳東階下二松甘露降刺史獨孤及上其事故名

漪澗

堂

在慧山坡詩

五雲亭

陸希聲順山錄曰順山之前百餘步衆水合而東流岸多朱藤

花水相映俗呼為晝溪又云順山有四亭曰綠陰曰西陽曰弄雲曰卧龍

曲水亭

在惠山泉上

多稼亭

在郡城上

楊廷秀望

詩遙望城頭

一詩遙望城頭

一詩遙望城頭

一詩遙望城頭

葵扇逸城行臘前移梅春揮柳踏雪衝泥不停手柳未成陰梅未花著帽又迎新太守後來新守復迎新到今

新舊知幾人向來手植今在否寄與此詩聊問春

淨遠亭

楊廷秀晚登薄書纔了晚衙催且

上高亭眼暫開野鴨成群忽驚起定知城背有舡來

寺觀普利寺

在慧山有泉陸鴻漸煎茶驗其

味於諸水為第二○唐張祐詩舊宅人何在空門客自過泉聲到池盡山色上樓多小洞穿斜竹重階夾瘦莎  
懸懸望城市雲水暮鐘和○黃魯直詩錫谷寒泉撻石俱併得新詩蠶尾書急呼烹鼎供茗事澄江急雨看跳

珠是功與世滌臙腴今我一空常晏如安得左輔箕頰  
尾風爐煮茗卧西湖檀音妥蓋取井旁數小石置瓶中  
澄水令其不濁。蘇子瞻集焦千之求慧山泉詩茲山  
定空中乳水滿其腹過隙則發見臭味實一族淺深各  
有值方圓隨所蓄或為雲洶湧或作線斷續或鳴空洞  
中雜佩間琴筑或流蒼石縫宛轉龍驚蹙餅罌走千里  
真偽半相瀆貴人高宴罷醉眼亂紅綠赤泥開方印紫  
餅絕圖玉傾甌共歎賞竊語笑童僕豈知泉上僧盥灑  
自挹掬故人憐我病箬籠寄新馥欠伸北窓  
下晝睡美方熟精品厭凡泉願子致一斛

太平寺

費袞

云吾州一畫水則郡人徐友作清濟貫河一筆紆  
繞長數十丈不斷却立而觀濤瀾洶湧目為之眩仰首  
近之凜然若飛流之濺於面也。楊廷秀為守賦畫水  
長句曰太平古寺却灰餘夕陽惟照一塔孤得來看  
還不樂竹莖荒處破殿虛偶逢老僧聽僧話道是壁間  
留古畫徐生絕筆今百年祖師相傳妙天下壁如雪色



一丈許徐生畫水纔盈堵橫看側看只麼是分明是畫  
不是水中有清濟一線波橫貫萬里濁浪之黃河雷奔  
電卷儘渠猛獨清元自不隨他波痕盡處忽掀攪動  
一河秋色暮分明是水不是畫老眼向來元自誤佛爐  
化作金拖樓銀山雪堆風打頭是月飄然在中流奪得  
太一蓮葉舟僧言此畫難再覓官歸江西却相憶并州  
剪刀剪不得鵝溪匹絹官  
莫惜貌取秋濤懸坐側  
天慶觀費袞云吾州  
懷仁所畫懷仁者酒豪不羈嘗呼龍松江之上狎而觀  
之遂畫龍入神品過毗陵——大醉索墨數斗曳  
苔帚裂巾袂濡墨號呼奮擲斯須龍成觀者辟易懷仁  
後不知所終郡人胡德輝賦古風曰道人龍中來醉與  
神物會寫茲蜿蜒質日月為冥晦崩翻江海安素碧起  
濤瀨呼吸見雌雄扶石疑可碎蕭森殿陰古衆真儼飛  
旆注觀忽騰湧夜半失像繪飛光者明珠靈秘一何恠  
爛爛照薨棟那得久在外偷兒伺酣睡不怕嬰鱗害願

言慎所託未  
用期一快

祠墓五賢祠

蓋獨孤及柳開李餘慶陳襄王安石也

延陵季

子墓

在晉陵縣北六十里申浦之西孔子嘗題其墓曰  
嗚呼

以古跡獨孤檜

翁卷詩此檜何人種相傳是獨孤年深  
成古物名重入州圖老節堅難蠹斲皮

裂似枯記根列帝  
廟應不慮樵夫

劍井

陸士元記胡文恭公為副樞修  
簡公為右丞余中霍端友魁廷

試印剛魁南省邵林魁鄉薦蔣公入西府  
皆先一歲瑞氣氤氲升騰數日為之祥證

名宦吳隱之

為守在獨孤及

史孟簡

為刺史唐志無錫縣有太伯  
瀆孟伯所開或云武進嘗與

盧仝遊北湖盡買漁人所  
獲魚放之仝作放魚歌

皇朝王安石

以常博出陳襄  
為知州

初建郡學  
安石作記

人物周盤龍

齊人位至散騎常侍齊武戲之  
云卿着貂蟬何如兜鍪對曰此

貂蟬從兜  
鑒中生耳

顧凱之

無錫人號  
顧虎頭

皇朝胡宿

晉陵人  
為樞副

鄒浩

晉陵

人除右正言章子厚用事廢孟后立劉氏為后浩上疏  
謂陛下廢孟氏詔書有別選賢族之語故天下釋然不

疑今果立之則天下莫  
之信矣哲宗怒遂貶寬

名賢蘇軾

以諷時事貶黃徙汝  
上書自言有田在常

願得  
居之題詠高城帶水閒

李嘉佑送陸士倫之義興詩陽  
羨蘭陵近云云淺流通野寺綠

茗滿  
春山

天子未嘗陽羨茶

盧仝謝孟諫議詩云  
云百草不敢先開花

一壑風煙

陽羨里

杜牧之有卜築陽羨之意  
詩云云解龜歸去路非賒

今朝自請左符來

劉禹

錫寄楊虞卿詩曾主虞書輕刺史云云  
青雲直上無多路却要斜飛取勢回

披襟罨畫溪頭

月

齊祖之宰送  
義興王尉詩

葦陂竹塢情無限

鄭谷畝楊舍人詩云  
云閑語毗陵問杜陵

豈知身得兩朱輪

王介甫酬邵提刑詩曾詠常州送生人云云田疇泛濫川方壅厨傳蕭條

市亦貧以我薄材思俯偃賴君餘教得因循詢求故有風謠在不饒詩歌尚未泯

久聞陽羨溪山

好

王介甫寄闕下諸父兄詩云云頗與淵明性分宜

四六

眷惟浙右有若毗陵

雖號小邦密拱行闕

地望若輕文風獨盛

領此一麾介于三輔

眷毗陵之夫郡

三吳襟帶之邦

由民生之孔匱

亦浙水之輔藩

百粵舟車之會

致郡計之亦艱

列屋萬家當舟車之孔道

荆公得郡偏夸陽羨之溪山

環地千里亦輦轂之輔藩

坡老卜居亦買宜興之田宅

數大觀之儒科號稱多士

望庵畫溪頭之月遙共清光

讀宜興之學記知慕大賢

酌惠山谷裏之泉尚同雅趣

酌惠山之石泉俗塵滌盡

俗陋市貧厨傳有蕭條之歎

誦道鄉之諫藁氣節凜存

地卑川溢田疇多泛濫之虞

乏兵厨之美釀敢事苞苴送別毗陵賦竹塢葦陂之句  
分錫谷之寒泉或堪餽餉尋幽錫谷吟泉聲山色之詩

方輿勝覽卷四

欽定四庫全書

方輿勝覽卷五

宋 祝穆 撰

建德府

建德分水

淳安遂安

桐廬壽昌

建置沿革

禹貢揚州之南境斗之分野春秋時屬越秦以為鄣會稽兩郡之境漢以隸吳郡及

丹陽郡東漢仍之建安十三年分丹陽郡之歙縣立始新新定等縣置新都郡晉改郡曰新安而縣改新定曰遂安隋仁壽三年劉抗之相廬立遂安縣置睦州大業改睦州為遂安郡唐復為睦州而析桐廬為嚴州七年廢嚴州屬東睦州八年去東字乾元復為睦州建國初錢氏納土始入版圖太宗以親王領防禦使政和陞為建德軍節度又為高宗潛邸方臘平改軍曰遂安軍州曰嚴州咸淳元年八月旨係今上

欽定四庫全書

卷五

潛藩之地陞為建德府今領縣六治建德

事要郡名新定

嚴陵

桐廬風俗俗號輯睦

圖經序云云因

以名邦可以無事治不可以多事理

民貧而嗇

同上州地山谷居多云云穀食不給仰給它州

形

勝號清涼國

新定志桐廬溪山秀妙陸魯望所謂云云

浙江上游

錢總浮橋記

羣

峯回環

蘇子容靈香閣記郡自晉宋以來文士多稱述之城邑閭井皆坦途平陸與它州無異及登高

而望則一一一水縈帶不離指顧而萬景在目

錦峰繡嶺

費袞云圖經載嚴陵山清麗奇絕號

號率有經據如杜若汀洲見於杜紫微詩云杜若芳洲

翠巖光釣瀨喧如丁溪見於杜紫微詩云翠巖千尺倚溪斜曾見嚴光作釣家越嶂遠分丁字水江梅遲見二



年花蔡天啟牋遂用此作四六云溪壑縈回二水合而成字山城寂歷一葉墜而亦閒莫不有所據又如吳根越角亦見杜牧詩昔事文皇篇中云溪山侵越角風壤帶吳根獨未知——圖經何所據而云州在

萬山中

見杜牧樊川集云云

山嶮而土嶢

曹紹告詞桐廬居浙右上流云云民貧而俗悍

土產蒸茶割漆

圖經惟蚕桑是務且云云以要商賈貿易之利

山川松巖

在城東

雉山

在淳安縣西一里山形如雉

嚴陵山

在桐廬縣西本漢富春縣避晉簡文帝鄭太后諱改

曰富陽按嚴光傳耕於富春山圖經不載此山但云今名——者是其所耕處却載嚴光富陽人耕於富春

山沈約宋書吳時分富春之地置桐廬縣則——即所耕富春山無疑矣

桐君山

在桐廬有人採

藥結廬桐木下人問其姓指桐木示之江山因以桐名郡曰桐廬。西征記自衢歷婺至新定曰睦州觀二江

之水會合亭下有山巍然直壓其首如渴鰲怒鯨奮迅  
鬚鬣奔而入水之狀上有——祠乃戴顓飛仙之地也

**武強山**

在遂安縣西山極險峻人  
常保焉盜不能攻故名

**靈巖山**

在遂安縣北  
十五里有洞

上有泉分注三井溢  
為瀑布二百尺許

**戴村**

桐廬縣東北  
宋戴顓隱處

**錦沙村**

在淳安  
縣西林

木森翠波流澄澈映石如錦冠  
軍吳喜曰名山美石故不虛賞

**浙江**

在州南十里新安  
東陽水合流入江

**洞溪**

一名紫溪水自此溪至於潛  
有十六瀨嚴灘乃第二瀨也

**七里灘**

距州四十餘  
里與嚴陵瀨

相接諺云有風七里無風七十里謝靈  
運七里瀨詩自觀嚴子瀨想屬任公釣

**井泉孝子泉**

域九

志州民夏孝先喪父廬於墓側嘗有野火  
奄至俄而火為之滅尋復涌泉出其地

**亭榭環溪亭**

在郡中。方干詩為是仙才登望處風光便似武陵春  
閑花半落猶迷蝶白鳥雙飛不避人樹影興餘侵枕簟

荷香坐久着衣中暫來此地  
千峰樹  
在州宅自唐有之  
非多日明日那容借寇恂

思范。方干詩豈知平地似天台朱戶深沉別徑開曳  
響露蟬穿樹去斜行沙鳥向池來窓中早月當琴榻墻

上秋山人酒盃何事此中  
祠廟嚴先生祠  
在釣臺。先

如世外應緣羊祜是仙才  
陵漢光武少與光同游學及即位首以物色訪之得於  
齊國累召不至拜諫議不受去耕釣於富春山今有釣

臺祠堂又作九隴寺以奉香火子陵本姓莊避明帝諱  
改姓嚴。范希文作祠記云先生漢光武之故人也相

尚以道及帝握赤符乘六龍得聖人之時臣妾億兆天  
下孰如馬惟先生以節高之既而動星象歸江湖得聖

人之清泥塗軒冕天下孰如馬惟光武以禮下之在蠡  
之上九衆方有為而獨不事王侯高尚其志先生以之

在屯之初九陽德方亨而能以貴下賤大得民也光武  
以之蓋先生之心出乎日月之上光武之器包乎天地

之外微先生不能成先武之大微先武豈能遂先生之高哉而使貪夫廉懦夫立是大有功於名教也某來守是邦始構堂而奠焉乃復為其後者四家以奉祠事又從而歌曰雲山蒼蒼江水泱泱先生之風山高水長○呂伯恭記明道二年范文正自右司諫守是邦始築屋祠先生而為之記瀨之旁白雲源乃唐人方處士故廬文正公之遊釣臺也嘗絕江訪其遺跡以其象寘祠之左文正公歿郡人思之遂脩食於右坐古跡釣

臺

在桐廬西南二十九里東西二臺各高數百丈○西征記自桐君祠而西有羣山蜿蜒如兩蛇對走於平

野之上三江之水並流於兩間驚波間馳秀壁雙峙上有東漢故人嚴子陵——孤峯特操聳立千仞奔走名利汨沒為塵埃客一過其下清風襲人毛髮豎立使人有芥視功名之意○權載之詩云絕頂聳蒼翠清湍石粼粼先生晦其間天子不得臣潛驅東漢風日使薄者溥焉用佐天下持此報故人○許渾詩潮去潮來州渚

春山花如綵草如茵嚴陵臺下桐江水解釣鱸魚有幾  
人○范希文詩漢包六合網英豪一箇冥鴻惜羽毛世  
祖功臣三十六雲臺爭似——高○黃魯直詩平生久  
要劉文叔不肯為渠作三公能令漢家重九鼎桐江波  
上一絲風○又詩古風蕭索不言歸貧賤交遊富貴希  
世主若非天下量嚴陵那得釣魚磯○潘德久詩貂蟬  
未必似羊裘出處當年已熟籌既有諸公依日月不妨  
老子卧林邱英雄陳迹千年在香火空山萬木秋堪笑  
紅塵吹帽客要來祠下繫行舟○項安世題——詩二  
首棘闕山頭破草亭只須此地了生平崎嶇狹世才伸  
足又被劉郎賣作名○君房足下竟成諛只有韓歆已  
被除豈有江湖釣竿手與君臺閣奉文書○朱文公水  
調歌詞云不見嚴夫子寂寞富春山空餘千丈巖石高  
挿碧雲端想衆羊裘披了一笑兩忘身世來把釣魚竿  
不似林間翮飛倦始知還中興主功業就鬢毛班驅馳  
一世豪傑相與濟時艱獨委狂奴心事不羨癡兒鬪足

放去任踈頑爽氣動  
星斗千古照林巒

**朱池**

距城三十里  
朱買臣有祠

**名宦房瑄**

明皇  
雜錄

云開元中——之宰桐廬也邢真人和璞自太山來瑄  
虛心禮敬因以携手開步行數十里之夏口村過一廢

佛寺松竹森映和璞坐於松下以杖叩地令侍者掘數  
尺得一瓶子瓶中皆是妻師德與永公書和璞謂房曰

省在此乎方記其為僧時永公即房之前  
身也蘇子瞻詩夏口甕中藏畫像謂此 **杜牧** 號紫微  
為守

**皇朝范仲淹**

以論廢郭后  
出知睦州

**趙抃**

為殿院求  
郡得睦

**胡寅**

以待制  
知州

**張栻**

為

**陸游**

為

**人物嚴光**

詳見前  
祠記

**方干**

故居在白雲源  
其子孫登科知

名者相繼。范希文詩風雅先生舊宅存子陵墓下白  
雲村唐朝三百年冠蓋誰聚聚詩書教子孫。公又有詩

與方楷曰高尚繼先君巖居與俗分有泉皆漱玉無地  
不生雲鄰里多垂釣兒孫半屬文幽蘭在深處終日自

清  
皇甫湜

新安人以卞急數忤同省至不容於朝其分  
司東都也適遇裴晉公以德量禮士因修福

先寺求文於白樂天而湜怒其舍已速援筆立就厚贈  
遺之復怒以為薄公謝之○韓愈寄——詩敲門驚  
畫睡問報睦州吏手把一封書上有皇甫字拆書放床  
頭涕與波垂泗昏昏還就枕惘惘夢相值悲哉無奇術  
安得生  
皇朝江公望  
徽宗初任左司諫抗疏極論  
詹良

臣

以罵方賊死子  
大方後為簽樞

王縉

並郡人為右司諫與  
江諫議並以風節著

題詠瀟灑

桐廬郡

范希文云云烏龍山雪中  
使君無一事心共白雲空

不聞歌舞事

又瀟灑  
桐廬郡

家家是道情云  
云遠舍石泉聲

浙水半江分

方干吳山中  
路斷云云

湍險方自茲

晏公類要浙江潮信至桐廬其水汧流故任彥升  
詩云滄江路窮此云云疊嶂易成響重以夜猿悲

嵐翠

撲衣裳

杜牧詩水聲侵笑語云云

夜潮人到郭

張祐詩云云春樹鳥依山

因君水

更清

劉長卿詩今日新安郡云云

頻年經虎害

翁卷送嚴州守詩云云人望使君來地重

分旄節州清管釣臺

部伍雜聞音

許棠寄睦州侯郎中詩云下國多高趣終年半是吟潮濤道越

分云云曉郭雲藏市春山鳥護林東浮雖未遂日日至中心

名是東南俗阜州

張伯玉詩

碧泉千脉瀉金溝云云任昉舊詩題縣壁賀齊高壘照江流

四六

淞水上游嚴陵名郡

近止朝廷

桐溪列壤木瀨橫江

記室新書

疏渥禁嚴

春東京漁釣之鄉乃中興龍潛之邸

辭闕未更於積日駟東已屆於新封

編居半雜於山林稔歲尤艱於衣食

氣象鬱葱上聖肇興王之迹溪山瀟灑前賢餘高世之風

民淳事簡俗相尚於儉勤山高水長郡素稱於瀟灑



卽麾增重文正之遺愛猶存嚴先生之清節山高水長  
江水益清高齋之餘風可挹方處士之遺芬源深雲繞  
雖土峽山瘠號民俗之素貧廬依桐姓之人幸逢仁政  
然勢便地親接皇畿而密邇門扣睦州之吏忽遺素書  
呻嘆嘔吟宜朝傳而暮達賣絲糶穀農未裕於養生  
撫摩涵養當月裕以歲豐割漆蒸茶人亦甘於逐末

## 江陰軍

江陰

## 建置沿革

禹貢揚州之域於天文為須女之分吳地  
斗分野古延陵邑之地季札封于延陵故

其地屬吳秦漢以來郡則會稽吳郡縣則毗陵鄉則  
暨陽晉武置毗陵郡併置暨陽縣屬焉梁敬宗時始  
於此置江陰郡及江陰縣隋唐置暨州南唐始建  
江陰軍皇朝當三廢為縣中興復為軍繼以知縣兼  
軍使及金人用兵復為軍其廢也並為毗  
陵屬邑其復也皆為軍今領縣一治江陰

事要郡名澄川

保大元年招隱院記暨陽見沿申浦春申君所開

風俗人秀而文

葛邲貢院記得江山之助故其長

棧巨舶輻輳

蔣靜黃田港間記富商大賈一夷一蜑海錯魚鹽果布之屬一城市故居民

富饒井邑繁盛珠犀魚鱉之富

黃田港記蘇子瞻廣唱

形勝左

控姑蘇

唐郁羣老建興寺碑云云右接毗陵

東連海道

向子豐奏劉邊臨大江正是下流北

與通泰相對云云西接鎮江最為控扼

背山嚮江

君山浮遠堂記葦爾邑介於數大都之間貢輸

之入不能當他郡之十

山川黃山

在軍治之北六里其

乃郭青山

在江陰縣西十里

君山

在軍北澄江門外蓋

璞宅

有干將鑄爐九所

君山

在軍北澄江門外蓋

風亭下

暨陽湖

在江陰東十五里

香灣

十國紀年吳徐溫張可  
溶以江陰之兵敗吳越

於此

井泉玉乳泉

又有金沙泉  
劉握有詩

堂亭江陰道院

蕪水燕談

江陰北距大江地僻鮮過客將迎之煩所隸一縣  
民醇士簡士大夫謂一為兩浙一真樂土也

雙檣

堂

在郡治後  
張安國書

清白堂

在郡

浮遠堂

在君山上取蘇子瞻  
江遠欲浮天之句北

臨大江南望城市東睨鵝鼻西俯黃田號為勝槩  
觀詩月墮山城晚沙寒水國秋雲根拔地起水柱觸天

浮紫翠分鰲嶺青紅雜蜃樓  
舟船通萬里城郭數三州

練江亭

在郡園子城上楊  
公濟詩晚日蕭蕭

聞落葉晴天  
歷歷數飛鷗

翠光亭

蔣靜詩君山堆翠出危  
尖練水浮光照短簷

古跡釣臺

在縣東南二十里其石廣一丈三  
尺舊經云即姜太公釣魚之所

石虎

石橋東有石如  
虎相傳王氏開

酤每夜失酒道人過之曰山際有聖跡聖英祠劉遵之神錄曰

石如虎為崇即鑿其足虎今猶存或曰魚子英廟按列仙傳子英英鄉人因捕得一魚愛之養以穀食後遂生角翅天忽雨子英上魚背騰空而

去名宦李嘉祐為江陰令皇朝楊蟠為江陰令判人物庾冰有宅今為

祥符題詠鄉多釣浦人方干送江陰霍明府遙遙去舸新浸郭華蕪蘋樹列巢灘鵬云

云江分陽羨雨浪隔廣陵春知竟三年化琴書外是貧孤城對海安李嘉祐詩萬室邊江次云

云朝霞晴作雨濕氣晚生寒魚蝦接海隨時足朱昌叔寄王介甫憶江陰詩云城上城隍

古鏡中城邊山色翠屏風云云稻米連湖逐歲豐太伯人民堪教育春申溝港可疏通萬里風檣

看賈舡王介甫酬朱昌叔黃田港口水如天云云海外珠崖常入市人間魚鱉不論錢

# 四六

眷惟申浦  
實控江津

雖云斗大  
實禦風寒

裂地雖微  
去天為近

乃眷江城  
素稱道院

雖江陰之小壘  
實浙右之要區

以江城之斗大  
當海道之風寒

昔者為邦僅曰雷封之小

征商稅畝特如劇邑之封  
送使留州僅足公家之用

今焉陞郡亦唯引壘之微

封疆狹小實分輔郡之魚符  
節制尊嚴兼總戍江之虎士

人近珠犀之市頗亦富饒

考葛相貢聞之記有取其文  
節制尊嚴兼總戍江之虎士

郡居魚鱗之鄉未為岑寂

觀荆公港口之詩欲求此郡  
考葛相貢聞之記有取其文

雖江流之天險足壯蕃宣

觀荆公港口之詩欲求此郡  
江環海繞巨艘長筏之畢輸

然海道之風寒當嚴備禦

江環海繞巨艘長筏之畢輸  
地僻海迢駟馬高車之罕至

冠名道院諒无刺史之難  
負海瀕江外控臨於淮甸  
連吳引楚內屏蔽於京畿

方輿勝覽卷五